

fas est divinam naturam mutabilem in aliquo aut passibilem prædicare : secundum quam Christus et sine initio semper natus de Patre permansit, quando de matre initium conceptionis et nativitatis accepit ; et incomprehensibilis, quando se comprehendendi permisit ; et impassibilis, quando passionis injurias sentit ; et immortalis, quando morti subiacut ; et indivisus, quando secundum carnem in sepulcro jacuit, et secundum animam in inferiores partes terræ descendit ; et immensus, quando ad altitudinem cœli de hujus terræ humilitate condescendit.

CAPUT XXI.

Istam fidem si miser Fastidiosus non negaret, sine dubio non periret. Sed quoniam et factis eam negavit et dictis, mirum non est, quia opere pessimum factus est, et jam sermone perversus, et ambulans in tenebris inimicus exstitit lucis. Fornicatio quippe corporalis, quæ illius primo mentem carnemque possedit, ipsa eum consequenter ad præcipitum spiritalis fornicationis attraxit. Tulit enim membra Christi, et fecit membra meretricis. Et ideo non dubitavit castitatem fidei perdere, quia non se doluit castitatem corporis amisisse. Ecce quantum malum luxuria carnis, quæ illum miserum usque ad negationem potuit perducere veritatis ! Hæc fuit, hæc fuit tempestas, quæ paleam de area dominica rapuit, et vepribus hereticæ impietatis infixit. Hæc illum fecit contra suam conscientiam loqui, et in contumeliam ipsius Trinitatis perverso sermone versari. Neque enim verum credebat esse quod dixit, sed jam duplice corde maluit **359** aliud dicere quam credebat. Qua desperatione possessus, ut ipse sibi auferret spem remissionis, voluit per licentiam implere delectamenta libidinis. Ex ore itaque suo quo justificari debuit, augmentum condemnationis accepit, quando lingua ejus, quæ debebat poenitentiae verba proferre, protulit verba blasphemie. Illuc itaque miser Fastidiosus maluit transire, ubi et contra Deum sacrilega procitate latraret, et in suis fornicationibus, quia timorem Dei non habuit, etiam hominem non timeret. Væ illi misero, qui ad hoc ecclesiastico voluit privari

A consortio, ut nemquam possit carere supplicio ; et ad hoc se voluit sine aliquo timore peccare, ut sine fine mereretur ardere.

CAPUT XXII.

Ubi sunt nunc duo anni illi quos Fastidiosus quasi felices habuit, quia eos, sicut voluit, libidinosus in fornicatione consumpsit ? Quam celeriter transierunt ! Qui etiam non solum ducenti, sed etiam duo millia si essent, cum celeritate transiissent. Quid autem miser faciet, cum ad judicium illius venerit, quem negavit ? quid recipiet pro talibus factis et dictis ? quid ille recipiet, ille corpore luxuriosus, corde cæcus, errore blasphemus ? qui prius in se templum Dei fornicatione violavit, deinde corpore quoque ab Ecclesia separatus exivit. Quid recipiet ab illa sancta Trinitate, qui maluit servus esse luxuriae atque perfidie ? Quid utique nisi ignem æternum, quem talibus constat operibus præparatum ? Et in hoc quidem tempore cito finita est Fastidiosi fornicatio, cuius lament in illo igne non finietur æterna combustio. Fugiant ergo Christiani utramque fornicationem, quam miser Fastidiosus incurrit ; ut custodientes animas suas, castitatem servent et cordis et corporis. Teneant intra Ecclesiam catholicam fidem. Credant et confiteantur inseparabilem atque individuam Trinitatem ; quæ in sua divina natura nihil habet factum, nihil aliquatenus inchoatum ; cuius uno atque inseparabiliter facta sunt omnia in celis et in terra, visibilis et invisibilia. Credant nihilominus et confiteantur Unigenitum Deum, solum secundum veram divinitatem natum de Patre, solum secundum veram humanitatem creatum ex Virgine ; ac per hoc, operi Trinitatis carnem atque animam rationalem in unitate personæ pro mundi salute susceptam. Hoc firmissime retinentes proferant et perseverent in operibus bonis. In Christo enim Iesu sola valet fides quæ per caritatem operatur (*Gal. v, 6*), a qua si qui discesserit, ipse suæ animæ reus erit. Omnis autem qui in ea perseveraverit usque in finem, hic salvus erit (*Matth. x, 22*).

S. FULGENTII DE REMISSIONE PECCATORUM, AD EUTHYMIUM LIBRI DUO.

LIBER PRIMUS.

360 CAPUT PRIMUM.

Explicare nequeo verbis, Euthymi carissime, quantum studio tuo congaudeam : quod non solum in domo tua positus cœlestibus animum Scripturis indulges, sed etiam sanctam vigili corde frequentas ecclesiam, ut cum divinis eloquiis corporis exterior pulsat auditus, interior animæ tuæ pascatur affectus. Gratiae quippe divinæ opus agnoscitur, quod in domo

D Dei illorum colloquio spiritualiter frueris quos in amore divinæ legis servere cognoscis ; nec cum quibusdam delectaris inutilem miscere sermonem, qui ad vitale cœlestis verbi convivium sine sua utilitate conveniunt, et, secundum veracem coarguentis apostoli Pauli sermonem, a veritate quidem auditum avertunt, ad fabulas autem convertuntur (*II Tim. iv, 4*). Quos non immerito dixerim similes illis quorum stoma

chus, mortifero superatus fastidio, inedia magis invenitur delectari quam cibo; et ob hoc frustra sibi medicinales divitias appositae cernunt; quas dum rebus percipere, nec virtutis aliquid inde, nec sanitatis acquirunt; atque in domo medici spernentes oblatum medeis spiritalis sibi antidotum, ad hoc cum infirmitatibus suis intrant, ut deterius infirmi recedant. Quibus tamen potens est Dominus verbi sui delectationem cognitionemque largiri, ut bonorum inflamentur exemplis. Quibus admoniti negligientiam suæ cunctationis abhiciant, et effectum salutis in ipsius medici salubribus præceptis querant: ut cum his qui, perscrutantes testimonia Domini, exquirunt eum, ipsi quoque pro salute sua non desistant quærere quod possit a querentibus inveniri.

361 CAPUT II.

Epistola itaque quam mihi misisti, licet de corde tuo non aliquid nobis intimarit incognitum, cordi tamen nostro magnum incrementum letitiae in Domino subrogavit. Cognitum quippe nobis est, divinam in te gratiam misericorditer operari, te sepe ac multum de remissione peccatorum cogitare. Verum tamen ideo nostram dixi creuisse letitiam, quia sic adipisci remissionem peccatorum desideras, ut ejusdem remissionis effectum frequenter ac vigilanter inquiras. Dicis igitur inter vos natam esse questionem, quam licet ipse recolas, malui tamen verba que in tua continentur epistola, ipso quo a te sunt tenore posita huic opusculo inserere: ut non solum tu ex propria dictatione recognoscas, sed etiam quisquis aliis legerit, dum cognitionis percunctione imbuitur, ad intelligentiam responsionis commodius instratur. Quæreris itaque utrum rerum conditor Dominus in hoc saeculo tantummodo quibus voluerit peccata dimittit, et sic ^b hinc quisquam solitus exeat; an per omnipotentiam suam quibus in saeculo praesenti non dimisit, ex eventibus de corpore ante diem judicii peccata dimitat, vel in eodem die futuri saeculi. Hac nempe verba que posui recordaris profecto tuis, ut jam dixi, contineri

CAPUT III.

In hujus absolutione quæstionis flagitare vos video parvitas nostre sententiam. Proinde spero in abundantia bonitatis Dei, qua sic est ille semper dives, ut exinde nostra quoque possit ditari pauperies, et ex qua ceteris quantum vult sic donat, ut in ea plenius ipse permaneat; quia talia nostro cordi spiritaliter dignabitur infundere, quæ et nobis dicere proposit, et vobis audire. Sermo enim quem vobis in Dei gratia ministramus, tunc etiam nobis prodest, si quod vobis pro salute verbo styloque foris dicimus, nos intus mites et humiles audiamus. Non enim frustra David sanctissimus dicit: *Audiam quid loquatur in me Dominus Deus* (*Psal. LXXXIV, 9*). Qui auditus proprius ad humiles pertinet. Propter quod alio epico idem propheta dicit: *Auditui meo dabis gaudium*

A et latitiam, et exsultabunt ossa humiliata (*Psal. L, 10*). Alio loco majestas ipsa sic loquitur: *Super quem requiescat Spiritus meus, nisi super humilem et quietum, et trementem verba mea* (*Ier. LXVI, 2*)? Nec vero iste Spiritus Dei sic super humilem et quietum requiescit, ut non ipse quietum humiliisque faciat, sed tanquam humilem quietumque requieturus inveniat. In eo quippe super humilem et quietum dignatur requiescere, quia super quem requiescit, quietum et humilium facit. Hoc ergo Spiritus sanctus operatur, ut vitium superbie atque inquietudinis ab homine in quo requiescit, expellat; ac sic præveniente sancti 362 Spiritus operatione, hominis voluntatem misericorditer immutante, omne præteritæ humanæ iniuritatis vinculum gratis data solvat remissio peccatorum.

CAPUT IV.

Non itaque de re parva disserimus, nec vile aliquid querimus, cum de remissione peccatorum, quantum divina largitas adjuvat, disputamus. Per hanc enim de potestate tenebrarum eripiuntur quos Deus transferret in regnum filii dilectionis suæ (*Colos. I, 13*). Per ipsam (*al. hanc*) liberantur ab æterna poena, ut potiantur æterna letitia. Per illam deponitur onus, seu quod nativitas vitiosa traxit, sive quod iniquitas vitiæ juventutis ^c adjecit. Per eam Christus eos qui laborant et onerati sunt venientes ad se reficit, quibus lene (*al. leve*) jugum levemque sarcinam suæ caritatis imponit (*Matth. XI, 28*). Per ipsam gratia justificatur (*al. justificabitur*) impius, ut reputetur fides ejus adjustitiam. Per illam caret mala vita, qua fuerat implicatus; et accipit gratis bonam, qua fuit indignus. Per ipsam fit ut in bona vita ^d deinceps, dono misericordiae prævenientis illuminatus ambulet, et in ea deductus misericordiae subsequentis munere perseveret: ut indebita gratia bene vivendi donum inchoet in homine, peccatorum remissione donata; quod perficiat perseverandi virtute concessa. Per remissionem peccatorum gratis homines discernuntur ab illis qui cruciabuntur in æternum cum diabolo, et adjunguntur his qui sine fine regnabunt cum Christo. Postremo talis est remissio peccatorum, ut pro ipsa fieret homo Unigenitus Dei, pro ipsa etiam sanguis ejus fuisset effusus. Unum horum vox angelicæ visionis aperuit; alterum vero ipse Dominus indicavit. Nam cum desponsata esset Maria mater ejus Joseph, et, sicut evangelista testatur, priusquam convenirent, inventa esset in utero habens de Spiritu sancto, conceptionis illius causa nescienti Joseph istis est verbis ab angelo nuntiata: *Joseph fili David, noli timere accipere Mariam conjugem tuam: quia enim in ea natum est, de Spiritu sancto est. Paret autem filium, et vocabis nomen ejus Iesus. Ipse enim salvum faciet populum suum a peccatis eorum* (*Matth. I, 18, et seq.*). Quid vero aliud est a peccatis salvare, nisi peccata dimittere? Nam et ipse Salvator noster, qui venit salvum facere quod perierat (*Matth. XVIII,*

^a Ms. et editi, verbi tui, sed manifesto errore.
^b Edd., et si

^c Ms., ritiose viventis.
^d Ms., in bona via.

11), ob hoc se venisse testatur, ut vocaret peccatores in poenitentiam.

CAPUT V.

Vocationis autem huius ad poenitentiam principale est beneficium, gratuita remissio peccatorum. Pro qua idem Redemptor noster, peracto paschalis eventu convivio, sanguinem suum entonat effundendum. Proste, inquit, ex hoc omnes. Hic est enim sanguis meus novi Testamenti, qui pro multis effundetur in remissionem peccatorum (Math. xxvi, 28). **363** Hanc igitur, sicut arbitror, aut omnes, aut pene omnis qui quotlibet modo appellatur Christiano nomine, invenire desiderat; sed interest ubi quisque, vel quando, vel qualiter querat. Neque enim ad remissionem peccatorum poterit pervenire, si quis aut veram non teneat fidem, aut negligat bonae operationis officium, aut recte credulitatis bona operationi concessum divinitus tempus mortifera preoccupatus vanitate contemnat. Haec namque tria, id est, fides, opus et tempus, ita sunt simul hominibus in hac vita necessaria, ut si cui unum ex his tribus in praesenti seculo defuerit, eternae vite particeps esse non possit; et per hoc nec remissionem peccatorum consequetur, per quam ad eternae vite premium pervenitur. Quid necesse est, Domino adjuvante, divinorum testimoniorum attestacione monstraremus.

CAPUT VI.

Præ omnibus itaque, nobis est firma credulitate retinendum, misericordem et justum esse Dominum Deum nostrum. Hinc enim facile potest inquirentibus apparere, qualibus peccata Deus dimittat, ubi dimittat, quando dimittat. Quibus cognitis, nec pravam quisquam retineat de Deo sententiam, nec conversionem suam negligat, nec a catholica Ecclesia discedat; aut si quis discessit, celeriter revertatur; nec de tempore sibi velit insulsa cogitatione blandiri, si ad Deum in hac vita quisquam converti nolens, et usque ad mortem iniquitatibus serviens, post hanc vitam se credit adeptum remissionem peccatorum, quando iam prejudicatus, tempore tribulationis (*sorte retributionis*) divinae non peccatum possit vivare conversus, sed supplicii maneat aeternitate damnandus. Multis enim multiplicibusque fraudibus viam coelestis iteris diabolus claudere nititur et celare, cuius hoc est incessabile studium, ut ad crucifixum sui societatem miserorum turbam, quantumcumque potuerit, vel trahat illectam, vel cogat invitam. Nonnullos quippe facit, abjecta consideratione divinae justitiae, solam Dei misericordiam cogitare; ut conversionem suam negligent, existimantes se, etiamsi usque in finem criminosa duxerint vitam, remissionis beneficio potius esse. Alios autem (*al. aut*) cogit aut illicit, Ecclesiæ catholice gremio derelicto, ad haereses vel schismata depravati cordis cæcitate transire. Quorum animos deceptione false promissionis illaqueat, ut vel putent se recte fulciri dogmate, vel sperent sibi pro sola cordis credulitate futurum remissionis beneficium, etiamsi ficto animo, pro temporis vel commoditate vel metu, mortifero

A haeticorum consortio usque ad mortem teneantur innexi; minus considerantes illam Salvatoris nostri sententiam dicentis: Qui me confessus fuerit coram hominibus, confiebor et ego eum coram Patre meo, qui in celis est; et qui me negaverit coram hominibus, negabo et ego eum coram Patre meo, qui in celis est (Math. x, 32). Et alio loco: Qui me erubuerit, et sermones meos, hunc Filius hominis erubescet, cum venerit in maiestate sua, et Patris, et sanctorum angelorum (Luc. ix, 26). Plerisque vero humani generis inimicus ad hoc peccatorum **364** suorum recordationem molitur ingerere, ut vel obduratis desperationem remissionis injiciat, et eos remedio conversionis excludat. Haec autem omnia non ob aliud fraudulenta semper agit obtectus fallacia, nisi ut opportunitatem temporis adimat, qua conversis potest donari remissio; ac sic, quantum ad ejus attinet malignitatem, si fieri possit, nemo perveniat ad salutem. Beum namque misericordem justumque esse cognoscit, nec ignorat quod peccatorum remissionem sola de Deo possit elicere cordis vera conversio. Scit etiam quod non alibi quam in solo gremio Catholice Matris dimitti possint peccata conversis; nee eum latet in praesenti tantum seculo remissionem omnium peccatorum conversis posse concedi: ubi humanum genus, per constitutum divinitus ordinem secessione morientium, successioneque asecentium, carnis nativitatis nexu non injuste constringitur, atque spiritali nativitate gratis endatur: ubi etiam omnem reatum ast solvit conversio, aut insolubilem facit, seu vane spei negotio nutrita, sive desperatione roborata et usque in finem retenta cordis obduratio nequitia.

CAPUT VII.

Sed jam suscepti operis compellit instantia ut omnia que superius intimavi, debita disputatione atque Scripturarum sanctorum attestatione perdeceam. Enimvero utriusque veridicas series Testamenti cuncta que ad proventum pertinent humanæ salutis nominat; ut nihil sit quod in posterum contemptor damnandus excuset. Principaliter igitur omnis Scriptura divinitus inspirata unum verum ac solum Deum, illam scilicet Trinitatem, id est, Patrem, et Filium, et Spiritum sanctum, tam misericordem predicit esse quam justum. Ipsi enim ex persona Ecclesie dicitur: Misericordiam et judicium cantabo tibi, Domine (Psal. c, 1). De filio etiam canitur: Misericors Dominus et justus, et Deus noster miserebitur (Psal. cxiv, 5). Alio quoque loco: Quoniam justus Dominus et justitas dilexit, æquitatem vidit vultus ejus (Psal. x, 8). Denovo dicitur: Universæ vie Domini misericordia et veritas (Psal. xxv, 10). Et rursus: Quoniam misericordiam et veritatem diligit Dominus (Psal. lxxxiii, 12). In primo quoque decalogi precepto justum se idem Dominus (*al. Deus*) misericordemque sic intimat: Ego sum Dominus Deus tuus, Deus zelans, qui reddo peccata patrum in filios, in tertium et quartam progeniem, in his qui oderunt me; et faciens misericordiam in nullis nullum his qui

amant et custodiunt præcepta mea (Exod. xx, 5). Propterea Moyses dicit: Dominus Deus indulgens et misericors, patiens et multæ misericordiæ et verax, justitiam custodiens et misericordiam in millia, auferens iniquitates et injusticias et peccata. Et non purificabit reum, adducens peccata patrum in filios filiorum in tertiam et quartam progeniem (Exod. xxiv, 6). Per Esaiam quoque suam Dominus misericordiam justitiamque commemorat, dicens: Ego Deus, et non aliis præter me, justus, et salvans: non est aliis præter me. Convertimini ad me, et salvi eritis (Isai. xlvi, 21).

365 CAPUT VIII.

Hic igitur atque famigeris hujusmodi testimonitis, quibus Dominus Deus nocte misericors predicator et justus, ostenditur quantum diligenda sit ejus misericordia, quantumque justitia metuenda monstratur. Misericors enim et miserator Dominus, patiens et multum misericors et verax, sicut novit a converso submovere supplicium, sic in eo qui converti noluerit, nullatenus sinit inaltum remanere peccatum. Idcirco si quos in praesenti saeculo pia Dei bonitas a dominatione peccati non liberat, ipsos in futuro severitas justa condemnat. Hinc est quod divinis inde sinenter eloquiis mali salubriter admonentur, ne remaneant in servitute peccati, sed misericordiam justi Dei, dum sunt in hac vita, requirant. Bonis quoque precipitur (Psal. ii, 11, 12, 13), ut servientes Domino in timore, et exsoftantes ei cum tremore, apprehendant disciplinam; ne quando irascatur Dominus et pereat de via iusta. Ipse itaque Deus qui est misericors et justus, sicut admonet, ut propter justitiam et misericordiam timeatur et diligatur a malis, ut conversi careant poena quam justitia minatur, et accipiant indulgentiam quam misericordia pollicetur, sic admonet ut propter justitiam et misericordiam diligatur et timeatur a bonis, quo possint qui ejus preventi misericordia boni sunt, et dilectione misericordiae in bonis operibus permanere, et timore justitiae a peccatis semelipsos sollicite custodiare; et consideratione propriæ infirmitatis instructi nunquam de suis viribus confidant, sed divinae virtutis auxilium jugiter et humiliter poscant.

CAPUT IX.

Debet ergo et a bonis et a malis tam misericordia diligi quam justitia formidari: ne vel boni diligentes misericordiam Dei, justitiam non timeant, et laqueos diaboli seducentis incurvant; vel mali solam justitiam severitatem considerantes, non querant, cum inventire possunt per conversionem, misericordiae beneficium, ac sic obdurati non solum remissionem peccatorum denegent, quin etiam peccata multiplicare non cesserent. Hoc enim bicipiti laqueo frequenter diabolus captivat incautos; ut aut spe vana futurae remissionis obtusi, nolint justitiae timore converti; aut remissionem omnimodis desperantes, conversionem ne-

* Forte melius expungeretur particula cum, que habebetur in editis et ms.

A gligant, et habenas iniquitatibus relaxantes, dum desperant indulgentiam, currant præcipites in gehennam. Ac sic ille callidus humani generis inimicus, alios desperationis temeritate præcipitat, alios autem fallacis spei deceptione supplantat. Propter quod beatus Paulus (II Cor. xiii, 3), in quo locutus est Christus, bene viventibus scribens, sic eorum commendat obedientiam, ut cum metu et tremore salubris operationis jubeat talibus inesse cautelam. Dicit enim Philippensibus: Itaque, carissimi mei, sicut semper obedistis, non ut in praesentia mea (al. mei) tantum, sed multo magis nunc in absentia mea, cum metu et tremore vestram salutem operamini. Deus enim qui operatur 366 in vobis et velle et perficere, pro bona voluntate (Philip. ii, 12). His verbis beatus Paulus B justum utique Deum insinuat, cum metum tremoremque servandum fidelibus præcepit in operibus bonis. Misericordem quoque predicit, quem in eis operari dicit et velle et perficere, pro bona voluntate. Neque enim a bene operantibus juste timeretur, si justus non esset; nec omne bonum voluntatis et operis ipse in eis operaretur, si misericors non fuisset. Hunc justitiae divinæ timorem terribili denuo prædicatione justis vehementer apostolus Paulus inculcat, dicens: Qui se existimat stare, videat ne cadat (I Cor. x, 12). Et rursus: Fratres, si præoccupatus fuerit homo in aliquo delicto, vos qui spiritales estis, instruite hujusmodi in spiritu lenitatis, considerans te ipsum, ne et tu tenteris (Galat. vi, 1). Ipsis quoque apostolis C cum magisterio coelesti denuntiatur infirmitas propria, cum congrui timoris demonstratur in humilitate cordis cautela retinenda, dicente Domino: Vigilate et orate, ne veniatis in temptationem. Spiritus quidem promptus, caro autem infirma est (Matth. xxvi, 41).

CAPUT X.

Verumtamen quia cuncta que divinis continetur eloquiis, ad custodiam vel reparationem dicuntur humanae salutis; providit sermone divinus, ne dum justis divinæ metus indicitur sequitatis, econtrario mortifera peccatoribus desperatio nasceretur, si spes indulgentiae minime monstraretur. Ipsa enim errantes ad viam veritatis revocat, dum propitiatione divina converso relaxandum promisit, quidquid mali, priusquam converteretur admisit. Ideo apostolus Paulus in Epistola quam ad Romanos scripsit, sicut fideles et bonos ad iusinuationem severitatis divinæ terrificat, sic infideles et males ad conversionem spe certissima supernæ bonitatis invitat, ut scilicet tam boni discerent non altum sapero, sed timere, quam mali possint remedium salutis æternæ sine quolibet impedimento dubitationis acquirere. Dicit igitur beatissimus Paulus: Vide ergo bonitatem et severitatem Domini: in eos quidem qui ceciderunt, severitatem; in te autem bonitatem, si permanseris in bonitate: alioquin et tu excideris; et illi, si non permanserint in incredulitate, inserentur. Potens est enim Deus iterum inserere illos

^b Ms. non habet est, nec textus evangelicus. Antwerp. habet.

(Rom. xi, 22, 23). Itaque cum dicat Apostolus illum A excedendum qui in bonitate noi permanserit, et illum qui in incredulitate non permanserit inserendum; quis homo justus non tremefactus justitiam metuat, vel quis iniquus non ad Dei misericordiam confirmatus accurrat? Quis non compellatur bono cui libet impii, si toto corde conversus fuerit, audeat desperare, cum coelestis medicina preceptis salubribus æqualiter sanis consulat et infirmis; illis timorem justitiae indicens, tanquam salutis acceptæ custodem; istis misericordia beneficium pollicens, ut, spei remedio sublevati, recipient quam perdidérant sospitatem. Timor enim justitiae præcipitur sanato, cui 367 dicitur: *Ecce sanus factus es, jam noli peccare, ne deterius tibi aliquid contingat* (Joan. v, 14). Spes quoque misericordiæ demonstratur infirmis, cum dicitur: *Non est opus sanis medicus, sed male habentibus: non veni vocare justos, sed peccatores in pœnitentiari* (Luc. v, 32). Sermo quoque propheticus misericordiam Dei justitiamque commendare non desinit, sic Deo per Ezechiem prophetam dicente: *Iniquus si se convertat ab omnibus iniquitatibus suis quas fecit, et custodierit omnia mandata mea, et fecerit justitiam et misericordiam, vita vivet, et non morietur. Omnia delicta ejus quæcumque fecit, non erunt in memoria. In sua justitia quam fecit, vivet. Nunquid voluntate volo mortem peccatoris, dicit Dominus, quam ut avertatur de via sua mala, et vivere cum* (Ezech. xviii, 21)? Ostendo itaque ad impios convertendos divine longanimitatis ac benignitatis beneficio, ad justos quoque deterrendos ita propheticus sermo dirigitur: *Cum se autem averterit justus a sua justitia, et fecerit iniquitatem, secundum omnes iniquitates quas fecit ille iniquus, omnes justitiae ejus quas fecit, non erunt in memoria. In delicto suo quo deliquerit, et in peccatis suis quibus peccavit, in ipsis morietur* (Ibid. 24).

CAPUT XI.

Innumerabilia sunt divinarum testimonia Scripturarum quibus Deus misericors predicatur et justus, nec est aliud quod omnis textus agat coelestis eloquii, nisi ut malos admoneat timore justitiae Dei celeriter malis operibus finem ponere, et bonos in bonis operibus sollicite atque humiliter permanere. Ut scilicet et omnis iniquus æquitatem Dei metuens, ad misericordiam currat justæ bonitatis, et omnis justus, de Dei misericordia gaudens, judicium benignissimæ non negligat æquitatis. Quia ubi est misericordia justitiae perfecta, nec favorem potest justus peccatis impendere, nec indulgentiam conversis misericors abnegare. Ex hoc igitur quod justus et misericors predicatur, facilime cognoscitur (*al. cognoscimus*) non nisi conversis remissionem tribui peccatorum, nec nisi permanentibus in peccato supplicium sempiternæ damnationis inferri. Propter quod Psalmista sic canit: *Nisi convertamini, gladium suum vibravit, arcum suum tetendit, et paravit illum, et in eo paravit vasa mortis*

A (Psal. vii, 15). Per Esaiam quoque nou dissimilis aduersus contumaces et divinæ clementiæ contemptores lata reperitur ore divino sententia, in qua cognoscitur, nec inaniter quemquam divinis imperiis obedire, nec impune in iniquitatibus permanere. Sic ergo dicit: *Laramini, mundi estote, auferite nequitias vestras ab animis vestris e conspectu oculorum meorum; desinite a malitiis vestris, discite bonum facere, inquirite judicium, eripite injuriam accipientem, judecate puerillo, et justificate riduam, et venite disputemus*, dicit Dominus. Et si fuerint delicta vestra ut phœnicium, ut nivem dealbabo. Si autem ut coccum, ut lanam candidam efficiam. Et si volueritis et obaudieritis me, quæ bona sunt terræ, edetis. Si autem nolueritis, neque obaudieritis me, gladius vos comedet. Os enim Domini loculum est hoc (Isa. i, 16 et seq.). Quis rogo est tam durus aut omnino stolidus, qui in hoc sermone monitionis supernæ, si ad conversionem non invitatur 368 delectatione promissi, non saltem compellatur terrore supplicii? Contemptorem quippe divini sermonis non excipiet salus, sed comesturus est gladius. Hinc est quod alio loco in ejusdem prophetæ volumine demonstratur, quia nisi per conversionem nemo perveniet ad salutem. Sic enim dicitur: *Si conversus fueris et ingemueris, salvus eris* (Isai. xxx, 15, sec. LXX). In hoc testimonio conditionali Deus et præcepto utitur, et promisso. Dicens quippe, *Si conversus fueris et ingemueris, salvus eris*, ostendit ex conversionis conditione promissionem salutis omnino pendere. Haec est igitur inter Deum hominemque conditio, id est, inter præcipienteum Dominum servumque poscentem, inter judicem qui sine justitia misericordiam prærogat, et peccatorem qui misericordiam juste judicantis exspectat. Dicit igitur iste Dominus, misericors et justus, severus et pius: *Si hoc feceris, hoc habebis; si quod dico custodieris, dabo quod poscis; ego tibi præcipio conversionem, tu poscis a me salutem; si parueris præcepto, potieris beneficium; si iussa fieri videam, postulata concedam: Si conversus fueris et ingemueris, salvus eris.*

CAPUT XII.

Cum dicitur ergo peccanti beneficium salutis accipere cupienti, quia si conversus fuerit et ingemuerit, salvus erit; consequenter intelligitur quia, ETIAMI IN GEMUERIT, tamen conversus non fuerit, salvus non erit. Non enim frustra utrumque divinus sermo complexus est, nisi ut haec duo, id est conversionem et gemitum, necessaria cognosceremus ad consequendum salutis effectum. Nonnulli enim scelerum suorum consideratione perterriti, pro iniquitatibus quidem suis in oratione gemunt, nec tamen ab iniqua operatione discedunt. Fatentur se male fecisse, nec ullum finem volunt malis factis suis imponere. Accusant humiliter in conspectu Dei peccata quibus tenentur oppressi, et eadem peccata quæ humilitate sermonis accusant, corde perverso contumaciter cumulant. In dulgentiam quam laerymosis gemitibus pescunt, ipsi

* Hunc locum non paucis verbis mancum restituere non licuit ope edd. aut miss. codd.

vibi pravis operibus adiununt. Medelam postulant a medico, et in perniciem suam subrogant adjutorium morbo. Ac sic inaniter verbis querunt placare justum judicem, quem factis iniquis magis irritant ad furorem. Tales enim nunquam diluunt gemendo peccatum, quia non desinunt peccare post gemitum. Pro criminibus namque gemunt; et post gemitum ad crimina redeunt. De talibus in libro Ecclesiastico Scriptura divina sic loquitur: *Qui baptizatur a mortno, et iterum tangit illum, quid proficit lavatio ejus? Sic homo qui jejunat pro peccatis suis, et iterum eadem faciens, quid proficit humiliando se?* *Orationem ejus quis exaudiet* (Eccl. xxxiv, 30, 31)? Rectissime igitur dicit Deus homini: *Si conversus fueris et ingemueris, salvus eris.* Apud Deum quippe severum et bonum tunc oratio gementis auditur, tunc poscentis fletus attenditur, tunc flenti conceditur salus, si fuerit ad Deum contriti cordis humilitate conversus. Necesse est enim ut Deus peccatori misertus ignoscat, si tamen peccator iniquitatem suam conversus agnoscat. Denique divinam misericordiam **369** propterea David sanctus efficaciter invenit, quia conversus per humilitatem contriti cordis, quod male fecerat agnoscendo damnavit, nec distulit punire poenitendo mali operis cupiditatem in qua fuerat lapsus; quia si non puniret unde reus tenebatur, procul dubio ipse puniretur. Suum ergo facinus agnoscit conversus in poenitentiam, metuit ne damnatus agnosceret poenam. Ipse in se poenitens vindicabat agnoscendo, quod ignosci sibi volebat a Domino. Denique cum dixisset: *Miserere mei, Deus, secundum magnam misericordiam tuam, et secundum multitudinem miserationum tuarum delinquitatem meam;* *Magis magisque lava me ab iniustitia mea, et a delicto meo munda me* (Psal. l, 4, 2); statim secutus adjunxit: *Quoniam iniquitatem meam ego agnosco, delictum meum coram me est semper* (*Ibid.*, 4). Agnoscebat iniquitatem suam, non ut peccando magis augeret, sed ut poenitendo dilueret; atque ita dominationem peccati, quam delectatio culpabilis invexit, conversio vera submovit. Et quia ingemuit David ex toto corde conversus, continuo salvus est factus, atque ita in eo completum est quod per prophetam praecepit: *Si conversus fueris et ingemueris, salvus eris.*

CAPUT XIII.

Porro conversio et ab impietate et ab iniquitate praecepit. Utraque enim adversum se iram Dei provocant: quia utrumque Deus execratur et damnat, licente Paulo: *Revelatur enim ira Dei de cælo super omnem impietatem et injustitiam hominum* (Rom. i, 18). Et Salomon ait, quod etiam beatus Petrus suis lictis inseruit: *Si justus rix salvabitur, peccator et impius ubi parebunt* (Prov. xi, 31, juxta LXX; I Petr. v, 18). Unde non immerito Vas electionis, quod dicens plenum erat caritatis, sicut pro his qui in fide

* Sic ms. Abest vox *plagis* ab editis. At in textu vangelico paulo aliter habetur, nempe, *faciens digna plagis, vapulabit multis.*

A peccabant tristitia magna concutiebatur et dolore cordis, sic illos qui, intra Ecclesiam constituti, et impudice luxurioseque viventes poenitentiam non agebant, lugere se testatus est. De Judæis enim quos increduli cordis impietas possidebat ita dicit: *Veritatem dico in Christo, non mentior, testimonium nihil perhibente conscientia mea, in Spiritu sancto, quoniam tristitia mihi est magna, et continuus dolor cordi meo.* Optabam enim ego ipse anathema esse a Christo pro fratribus meis, qui sunt cognati mei secundum carnem, qui sunt Israelite (Rom. ix, 1, 2, 3, 4). De illis vero qui intra Ecclesiam positi malis operibus insistebant, sic ad Corinthios loquitur medicinali sermone: *Ne iterum cum venero humiliet me Deus apud vos, et lugam multos ex his qui ante peccaverunt, et non egerunt paenitentiam, super immunditia et fornicatione et impudicitia quam gesserunt* (II Cor. xii, 21). Nec istos utique tristis doleret, nec illos humiliatus dolebat Apostolus, si impiis et iniquis exacerbatis divinam justitiam sine conversione cordis remissionem peccatorum crederet conferendam; cum ipsa remissio peccatorum non nisi in conversione cordis sortiatur effectum; in illis duntaxat qui proprie jam voluntatis utentes arbitrio, divini munera opitulatione conversi mutata in melius vita, non desistunt ad poscendam remissionem peccatorum currere, ad quorum **370** perpetrationem sive nescientes ignorantia impulit, seu, quod est deterius, scientes contumacia voluntatis illexit. Propter quod Prophetas orat Deus: *Delicta juventutis et ignorantiae meæ (al. ignorantias meas) ne memineris* (Psal. xxiv, 7). Et Salvator noster ait: *Servus nesciens voluntatem domini sui, et faciens indigna (al. digna), vapulabit paucis, et servus sciens voluntatem domini sui et faciens indigna, plagis * vapulabit multis* (Luc. xii, 47). Unde et Apostolus in ignorantia se peccasse constitutus his verbis: *Gratias ago ei qui me confortavit Christo et Iesu Domino nostro; quia fidem me existimavit, ponens in ministerio, qui prius fui blasphemus, et persecutor, et contumeliosus; sed misericordiam consecutus sum, quia ignorans feci in incredulitate* (I Tim. i, 12, 13). Ne quis ergo sibi de ignorantia blandiatur, attendendus est Apostoli sermo, qui se ignorantia quidem fecisse pronuntiat, sed tamen se peccasse non negat; inio primum se dicit (*Ibid.*, 15) omnium peccatorum: *primum scilicet, non temporis cursu, sed iniquitatis excessu. Misericordiam itaque in hoc consecutus est, ut peccata quæ in ignorantia fecerat, illuminatus agnosceret, et conversus protinus abdicaret.* Hoc autem sit, ut, sicut nos docet apostolus Jacobus, omne datum optimum, et omne donum perfectum, desursum descendere a Patre luminum (Jac. i, 17) cognoscamus. Qui cum in peccatore hoc inveniat pro quo debeat juste damnari, conversum ipse gratis tribuit peccatori, per quam justæ damnationis possint tormenta submoveri.

D * Ant., in Christo; ms. omittit in, et ipse textus Apostoli.

b Ant., in Christo; ms. omittit in, et ipse textus Apostoli.

CAPUT XIV.

In omni ergo peccatore qui arbitrio jam proprie voluntatis utitur, per conversionem cordis beneficium divini munera inchoatur. Cæterum parvulos novimus non propria voluntate, sed fidei sum pro eis contentium recta credibilitate salveri. Convenit enim iudicio veritatis parvulos ministerio alienæ confessionis absolviri, quos vinculo constat alienæ iniustitiae obstringi: ut, alias spiritualiter contentibus, accipiant justificationis beneficium, qui, aliis carnaliter generantibus, portant originale peccatum; et sicut ad primam nativitatem obfuit nondum natus nec aliquid agentibus parentum carnalis concubitus, sic eis ne scionibus proicit ad secundam nativitatem fideliūm pro eis contentium spiritualis affectus. Quantum ergo ad filios attinet qui propriorum jam possunt actum reddere rationem, nullus efficietur beatus, nisi qui malis actibus renuntiante, ad Deum fuerit tota cordis humilitate conversus. Beati enim quorū remissae sunt iniustitiae, et quorū testa sunt peccata (Psal. xxxi, 1). Quisquis igitur proprie voluntatis et operationis iniustitiam portat, non potest aliquam accipere beatitudinem, nisi fuerit ad ipsam conversus beatitudinis largitorem.

371 CAPUT XV.

Peccatis enim exceccatur cor, remissione vero illuminatur. Quia sicut nihil est aliud exceccari quam lumine privari, ita curatus oculus in quantum potiri valet visione luminis, in tantum caret vitio cecitatis. Qui tamen oculus videre lumen nullatenus valebit, nisi se illi lumen infuderit. Oculus igitur per luminis infusionem potest percipere luminis visionem. Sic et remissio peccatorum cum hominibus datur, procul dubio cæcitas cordis expellit, ut lumen justitiae oculo interiore cernatur. Cæterum quomodo fieri potest ut obscuritas tenebrarum removeatur, si lumen infinitus non donetur? Deus ergo quibus propria peccata dimittit, lumen veræ conversionis infundit. Quocirca sicut cæcus quilibet, quandiu cæcus est, non potest lumen videre; sic iniquus quilibet aut impius remissionem non accipit peccatorum, nisi preventus gratuitæ justificationis munere toto corde convertatur ad Deum: ipsius enim remissionis effectus in cordis conversione consistit. Cæterum cui conversionis gratia non conceditur, peccatorum remissio non donatur. Quid est enim aliud peccatorum remissionem consequi, nisi a peccati dominatione liberari? Omnis enim (sicut Veritas dicit) qui facit peccatum, servus est peccati (Joan. viii, 34). Quomodo autem potiri creditur splendifico liberationis munere, qui peccati non caret teterrima servitudo? Propter quod eorum qui dicunt: Faciamus mala, ut veniant bona (Rom. iii, 8), justam esse damnationem, Magistro gentium docente, cognovimus, quo prædicante similiter audivimus: Quia neque fornicari, neque idolis servientes, neque adulteri, neque molles, neque masculorum concubitores, neque fures, neque traxi, neque ebriosi, neque maledicti, neque rapa-

A ces, regnum Dei possidebunt (I Cor. vi, 9, 10). Galatae quoque sic idem doctor eximis monet: Manifesta autem sunt (inquietus) opera carnis. Quæ sunt fornicatio, immunditia, luxuria, idolorum servitus, beneficia, intemperie, temptationes, iræ, rixæ, dissensiones, haereses, invidie, homicidia, ebrietates, commissiones, et his similia, quæ predico vobis, sicut prædicti, quoniam qui talia agunt, regnum Dei non consequuntur (Gal. v, 19 et seq.). Quia igitur justus est Deus, quandiu isti talia agunt, regnum Dei non consequuntur; quoniam vero idem Deus misericors est, propterea mali, si talia agere desinant in quibus Deum contumaciter exacerbant, et humiliati atque correcti ad Deum convertantur, regnum Dei sine dubio consequuntur. Sicut enim opus justitiae non vincitur, sic nec opus misericordiae submovetur. Et ideo sic Deus possessionem regni sui dispositus, ut eam, quia justus est, impius et iniquo non donet; quia vero misericors est, omni veraciter converso non debeat.

372 CAPUT XVI.

Conversio autem tunc vera probatur in homine, si impietas et iniustitas pellatur ex corde. Veritatem inter impietatem et iniustitatem hæc solet pronuntiari differentia, quod impietas, aut pravam in Deum fidem gerit, aut nullam; iniusteas autem malis moribus polluit vitam. Blasphemat impietas Deum, leudit iniustitas proximum. Impietas autem ex humilitate carnis mentitur (forte metitur) altissimum, nitens sacramentum pietatis invictæ ad divinæ naturæ contumeliam prædicare, aut in humana carne Deum Dei Filium conceptum natumque denegat, et Deus vero non carnis veritatem, sed ostentationem solaris falsæ visionis assignat; aut ita carnem Christi fateatur de carne Virginis, ut eam neget in carnis susceptione conceptam; aut enidem Patrem quem Filium Spiritumque sanctum dicit confusione inopia; aut Patris, et Filii, et Spiritus sancti diversas naturas inducit separatione perversa, aut non eredit carnem Filii Dei de carne Mariæ Virginis sumptam, sed de coelo non dubitat asseverare depositam; aut aliquid humanæ naturæ vult Christo subtrahere, ut accepta humana carne animam rationalem, id est animam plenam hominis Unigenitum Deum degenet accepisse. Impietatis est crimen, si quis dicat, non omnem spiritalem corporalemque a Deo bonam conditam naturam; sed ex adverso propriam mali velit assignare substantiam: cuni omne malum, non ex oru neque statu naturalis proprietatis existat, sed ex defectu voluntariæ cogitationis eveniat: non quia bona natura malam naturam recipit, cuni mala natura nullabit, sed quia dilectionis ordine derelicto, creatura rationalis, quæ ad dilectionem Creatoris facta est, dum contempto Creatore, aut rebus inhaeret creatis, aut cogitationibus falsis, deterior facta, temporalia sempiternis, ima summis, mutabilia immutabilibus anteponit. Similiter illi qui justos et iniquos, non ex operum diversitate, sed ex sacramentorum dicunt

* Ant., Confessionis; sed melius et congruentius ipsi contextui quod substituimus ex ms.

communione censendos, nihil volentes unicuique prodesse, si inter iustos juste vivat in Ecclesia catholica tanquam unumquemque non pro qualitate facti, sed pro societate sacramenti æterna retributio, sive supplicii sit exceptura, seu regni. Hæc ergo quæ sunt a nobis superius intimata, et alia multa quæ adversum catholicam et apostolicam fidem ab hereticis atque schismaticis proferuntur, impietatis vicio deputantur. Ipsa enim separatio impios ostendit, quæ tales ecclesiastico corpori, non socios, sed adversarios facit. Neque enim a conventu ecclesiastice unitatis corpore separarentur, ac loco, nisi prius ab ecclesiastica fide descenderent (forte discederent) corde corrupto; neque a legitimo verbi Dei coniugio aperta impietate sejungerentur, nisi perfidas ac perversas cogitationes adulterina diabolice constupracionis seminatione conciperent; quas nequiter interno soventes assensu, ad hoc postmodum nefaria locutione parerent, ut vipera similitudine propriis disrupti ictibus interirent. Viperis quippe hoc est parere, quod perire. Quarum filii, sicut fertur, disrupti quibus sunt concepti visceribus, sic egreduntur **373** in lucem, ut parentibus inferant mortem. Cum igitur impia quælibet pravitas, vel assensu concipitur, vel etiam professione generatur, æterna in morte animam interimit. Quæ corruptioni consentiens, ob hoc internæ conceptu infidelitatis inflatur, ut suo postmodum erupta partu moriatur. Tales apostolica his verbis designat auctoritas: *Sicut autem Jamnes et Mambres restiterunt Moysi; ita et hi resistunt veritati, homines corrupti menta, reprobi circa fidem* (II Tim. iii, 6). Si quis igitur contraria disputans, et a bonitate semetipsum segregans, ecclesiastice fidei perversus obsistit, iste procul dubio impius dicitur. Si quis autem in corpore unitatis catholicæ perseverans sacramentorum societate conjunctus, flagitiis et criminibus deditus, is selet iniquus vocari, non impius. Unde nobis nunc non est disputandum. Hoc tamen dicimus, quia non omnis iniquus est impius, licet omnis impius sit iniquus.

CAPUT XVIII.

Conversio ergo illa in conspectu Dei grata est et accepta, in qua simul et fidei rectitudo servatur, et vita bona regula custoditur: id est, ut principaliter recta teneatur de Deo sententia, deinde proximo exhibeat caritas divinitus imperata. Tunc enim se bene recte diligit, cum dilectionem Dei sibi devotus et humilis anteponit. Tunc etiam diligit proximum, si proximo, quantum potest, consulat, ut ad Deum recta fide et bona conversatione perveniat. Proximi autem caritas duplice est ratione servanda, ut scilicet nec alii inferat quidquam quod sibi nolle inferri; nec indigenti opem boni operis in quantum potest deneget, quia nec sibi vellet negari, si similiter indigeret. Unde Salvatoris nostri sic nos agnoscimus in-

A formari sermone dicentis: *Quæ vestris ut faciant vobis homines, eadem et vos facite eis. Hæc est enim lex et prophetæ* (Matth. viii, 12). Non dixit Christus, quæ vobis fecerint homines, eadem et vos facite eis; ne malem crederemus pro malo reddendum ei qui nobis mali aliquid fecit, aut cuiquam negandum putarentur beneficium, a quo nobis nihil beneficii sciremus impensum: cum debeat Christianus omni homini benevolentia adjutorium, vel prerogare, vel reddere; ut et bono bonum realdat, et malem bonitate preveniat. Dicitar enim nobis a Domino: *Diligite fratres vestros, benefacite his qui vos oderunt, et orate pro persecutib[us] et calumniantib[us] vos, ut sicut fuit patris vestri qui in caris est, qui sicut suum facti ostendit super bonos et malos, et pluit super justos et iugos* (Matth. v, 44, 45). Boni autem fideles, non solum ab illis persecutionem patiuntur qui foris positi latribus perfidie ac perversis Ecclesie catholicæ dogmatibus obnubuntur; sed etiam ab illis qui videnter quidem intra Ecclesiam esse, sed male viventes inveniunt ecclesiastice traditioni non ore, sed opere repugnare. Quos cum boni consipient, graviter gerunt, et sancto affectu permotus cruciatus bonum animus, quando alienæ perversitatis non fugit sensum, quamvis tenere non possit assensum.

374 CAPUT XVIII.

Intra catholicam quippe Ecclesiam in praesenti seculo justi et iniqui ^a tenentur admixti sacramentorum scilicet communione, non morum, id est societate credulitatis, non similitudine conversationis. C Non ergo corde, sed corpore ^b; quia professione, non opere. Nunc igitur quādiū, secundum beati Pauli predicationem, in magna domo non solum sunt vas turea, sed et lignea et fisticilia, et quædam quidem sunt in honorem, quædam vero in contumeliam (II Tim. ii, 20); intra Ecclesiam quidem sunt iniquus et justus, extra Ecclesiam vero nullus est justus. Et intra dominicam aream, donec ventilatoris metnendus expectatur adventus, et discretio ventilationis novissime differunt, palea frumento locali communione miscetur. Quisquis autem extra dominicam aream locus est, quamvis ibi vocabulum nominetur agricultor, sola ibi potest quæ vento raptatur palea residere. Verum quia tanta est agricultor nostri omnipotentia, ut nullus valeat ejus vincere voluntatem; quisquis in praesenti vita conversus recurrerit ad areæ dominice locum legitimum, si perseveranter teneat in fide recta bona vita propositum, non erit palea, sed frumentum, nec ignibus tradetur arsurus, sed in horreo congregabitur placitis Deo fructibus optimatus.

CAPUT XIX.

In sola ergo Ecclesia catholica datur et accipitur remissio peccatorum, quam ipse sponsus unam dicit esse columbam suam, unam electam suam, quam super petram fundavit, cui claves regni cœlorum de-

^a Ms., *justis et iniqui*.

^b Sic ms. unus. Ms. alter et editi, *non corpore*; scilicet male.

* Ant., *in honore, quædam vero in contumelia, sed ms., in honore... in contumeliam, juxta lectum ipsum, sic rupiv, sic atque, et Vulg. vers.*

dit, cui etiam potestatem ligandi solvendique concessit, sicut beato Petro Veritas ipsa veraciter repromittit, dicens : *Tu es Petrus, et super hanc petram ædificabo Ecclesiam meam, et portæ inferorum non prævalebunt adversus eam; et tibi dabo claves regni celorum, et quodcumque alligaveris super terram, erit ligatum et in cœlo; et quodcumque solveris super terram, erit solutum et in cœlo* (*Matth. xvi, 18, 19*). Ab hac Ecclesia que claves regni celorum accepit, quisquis foris est, non celi viam graditur, sed inferni; nec tendit ad æternæ vitæ domum, sed currit ad mortis æternæ supplicium; non solum si remaneat sine baptismio paganus, sed etiam si in nomine Patris, et Filii, et Spiritus sancti baptizatus perseveret hæreticus. Neque enim per baptismi meritum adipiscitur veram vitam, si quis in nomine Patris, et Filii, et Spiritus sancti, sive intra Ecclesiam, sive extra Ecclesiam baptizatus, non tamen intra Ecclesiam catholicam terminarit hanc vitam; nec vivet per ecclesiastici baptismatis sacramentum, qui non tenuerit ecclesiastice **375** fidei caritatisque consortium. Ille enim salvatur sacramento baptismatis, quem intra Ecclesiam catholicam usque ad obitum præsentis vitæ tenuerit unitas caritatis.

CAPUT XX.

Cæterum si quis aut de Ecclesia baptizatus egreditur, aut extra Ecclesiam in Patris, et Filii, et Spiritus sancti nomine baptizatus, si ante finem præsentis vitæ non fuerit catholicæ restitutus Ecclesie, non carebit morte, sed requie : quia et tempore diluvii si quis in arcum Noe (*Genes. vii, 21*) non est ingressus, non est salvatus diluvio, sed necratus, nec salutem invenit in aqua, sed mortem. Aqua quippe illa, in qua præfigurabatur baptismatis sacramentum, quoscumque in arca reperit, a terra suspensos ad coelestia sublimavit; residuos autem oppressos occidit, quos foris invenit. Et pereunte Hiericho, si quos domus Raab meretricis inclusit, incolumes Jesus servare præcepit (*Josue vi, 25*); reliquos vero quos illa non continebat domus, unius mortis consumpsit interitus. In illa igitur arca, et in illa domo una eademque præfigurabatur Ecclesia; sed in his qui extra arcum diluvio perierunt, et in eis qui extra illam domum gladio mortui sunt, geminæ significationis potest considerari mysterium. Existimno enim quantum mihi nunc interim videtur, non incongrue credi in diluvii significatione præcessisse baptisma Christianæ confessionis; ut agnoscamus hæreticos, si extra Ecclesiam permanserint, baptismi poenam mereri, non vitam, et eos qui Christum negantes de Ecclesia catholicæ discedunt, æterno suppicio perituros. Arca quippe sacramentum beatus Petrus his verbis exposuit : *In diebus quando exspectabat Dei patientia in diebus Noe, cum fabricaretur arca, in qua pauci, id est octo animæ saluae factæ sunt per aquam: quod et vos nunc similis formæ baptisma salvos facil, non carnis depositu sordium, sed conscientiæ bonaे interrogatio*

A in Deum (*I Petr. iii, 20, 21*). Ubi est autem conscientia bona, nisi ubi est et fides non facta? Docet enim apostolus Paulus : *Quia finis præcepti est caritas de corde puro, et conscientia bona, et fide non facta* (*I Tim. i, 5*). Quid ergo aqua diluvii non salvavit extra arcam positos, sed occidit? Sine dubio præfigurabat omnem hæreticum, licet habentem baptismatis sacramentum, non aliis, sed ipsis aquis ad inferna mergendum, quibus arca sublevatur ad cœlum. Neque enim ob aliud eis interitus per aquam nascitur, nisi quia eos arce non continet sinus : in quo solo potest vivere quisquis non vult quisquis vitalibus interire.

CAPUT XXI.

B Hujus arce mysterium Cyprianus beatissimus martyr scribens in libro de Simplicitate prelatorum, vel potius secundum vetusta exemplaria de Unitate catholicæ Ecclesie, exponit : *Adulterari non potest sponsa Christi: incorrupta est et pudica; unam domum norit, 376 unius cubiculi sanctitatem casto pudore custodit. Hæc nos Deo servat, hæc filios regno quos generavit assignat. Quisquis ab Ecclesia segregatus, adulteræ jungitur, a promissis Ecclesie separatur: nec perveniet ad Christi præmia, qui relinquit (al. relinquit) Ecclesiam Christi: alienus est, profanus est, hostis est. Habere non potest Deum patrem, qui Ecclesiam non habet matrem. Sicut non potuit evadere quisquis extra arcam Noe fuit, sic et qui extra Ecclesiam foris fuerit, non evadet. Certum est igitur tam prædicatione beati apostoli Petri quam expositione sancti martyris Cypriani, in arca Noe figuram Ecclesie, et in aquis diluvii figuram baptismatis existuisse. In illa quoque domo Raab meretricis, quæ, pereunte Hiericho, sola est jubente Jesu cum omnibus quos intra se habuit incolmis reservata, in sacramento Christianæ confessionis, quantum mihi videtur, catholicæ ex gentibus significabatur Ecclesia. Quæ scilicet rejecta pristinæ fornicationis illuvie, duos exploratores Jesu latenter exceptit : hoc est, sive utriusque Testamenti castam cognitionem, sive Dei et proximi caritatem: quia et in illis duobus Testamentis Dei et proximi caritas intimatur, et in his duobus præceptis tota lex cum prophetis pendere cognoscitur (*Matth. xxii, 40*). Hæc quæ prius idolis prostituta fuit meretrix impia, suscipiens exploratores Jesu, facta est fidelis et casta : quos custodiens a persequentibus iniurias, non in inferioribus depositos obruit, sed in solario domus suæ levatos latenter abscondit. Solarium vero propterea dicitur, eo quod solis lumine perfundatur. Quis est autem sol humani cordis, nisi ille de quo dictum est per prophetam : *Timentibus autem nomen meum orientur sol justitiae, et sanitas in penitus ejus* (*Malac. iv, 2*)? De ipso sole oriente Zacharias in Evangelio sic prophetat : *Quia visitavit nos oriens ex alto, illuminare his qui in tenebris et in umbra mortis sedent* (*Luc. i, 78, 79*). Nam et Abacuc prophetæ Christi ascensionem et ordinis ecclesiastici firmitatem*

^a Ms., et ut dicam.

sub nomine solis lunæque sic prædicat: *Elevatus est sol, et luna stetit in ordine suo* (*Abac. iii, 11, sec. LXX*). Cor ergo uhiuscujusque fidelis non incongrue spiritale solarium dicitur, quod solis illius superni radiis salubriter illustratur. Raab itaque meretrix quos exploratores Jesu in solario aux domus abscondit, atque in superioribus, hoc est spirituali scientia illuminati cordis intima dilectione continuit, ut propheticum illud eloquium operis veritate cantaret: *In corde meo abscondi eloquia tua, ut non peccem tibi* (*Psal. cxviii, 11*). Vera itaque fides, quæ divinis eloquii intimatur, tunc consequentibus non traditur, tunc in corde fidelium inviolata et in columis custoditur, si non terrenis, et caducis, atque carnalibus, sed celestibus et spiritualibus promissis animus perseveret affixus, nec contempletur quæ videntur, sed quæ non videntur: *Quæ enim videntur temporalia sunt, sicut ait Apostolus; quæ autem non videntur, aeterna sunt* (*II Cor. iv, 18*). Cæterum quisquis propterea Christianam fidem tenet, ut res terrenas et transitorias acquirat, iste exploratores Jesu, non in superioribus domus suæ, sed in inferioribus collocat; ubi cum fuerint positi, facilius et inveniri possunt ab inimicis et perimi. Omnis enim persecutor et inimicus **377** Ecclesie illos spiritualiter interimit, et ipsis ingerit aeternæ mortis interitum, quorum cor invenerit terrenis et caducis rebus innexum. Hi enim dum terrenas divitias, aut perdere metuunt, aut acquirere concupiscunt, præcepta Christi, hoc est exploratores Jesu non abscondunt in solario cordis, sed tradunt consequentibus inimicis, aut metu scilicet territi, aut igne præcœ cupitudinis accensi. Nec funiculum coccineum, in cuius signo domus illa salvata est, habent per fenestram domus sue suspensum, qui fidei suæ non consentientur, sed denegant sacramenta. Funiculus enim coccineus sanguinis Christi mysterium præferebat: quem ille per fenestram domus sua suspensum habet, qui fide contra paganos seu contra quoslibet hæreticos Deo protegente firmatus, ac fidem suam sollicite custodiens, Christi se redemptum sanguine confitetur. Propter quod ipse Salvator ait: *Qui me confessus fuerit coram hominibus, confitebor et ego eum coram Patre meo, qui est in celis; qui autem negaverit me coram hominibus, negabo et ego eum coram Patre meo, qui est in celis* (*Matth. x, 32*). Quamvis igitur inimicus persecutor exploratores Jesu in inferioribus conetur occidere, id est robur Christianæ Ædi terrenis moliatur promissionibus sive terroribus enervare; si quis tamen Trinitatis fidem, qua Patrem, et Filium, et Spiritum sanctum unum Deum substantialiter credit, in superioribus habuerit collatanam, omnes consequentis atros errores (*forte* terrores) omnesque seductoris insidias non timebit.

CAPUT XXII.

Proinde non solum quos iterati baptismi tenet reatus innexos debent celeriter ad Ecclesiam recurrere, et Deum lacrymis ac eleemosynis pro tanto scelere deprecari; verum etiam si qui forsitan sine iteratione baptismatis delectat' one munerum seu timore poena-

A rum negantes catholicæ fidei sacramentum, ad hæreticorum sunt mortiferum dilapsi consortium, resument fidem quam negaverunt, et ad Ecclesiam celeriter revertantur, ut Jesu veniente, intra illam domum possint inveniri extra quam nullus potest ab interitu liberari: quia sicut in Hiericho quisquis extra illam domum fuit nullum potuit adipisci vitæ subsidium, sic extra Ecclesiam catholicam nullus accipiet indulgentiam peccatorum; et sicut intra Ecclesiam catholicam *corde creditur ad justitiam, ore autem confessio fit ad salutem* (*Rom. x, 10*), sic extra eamdem Ecclesiam mala credulitas non reputatur ad justitiam, sed ad poenam, et prava confessio non acquirit salutem consitenti, sed ingerit mortem. Extra hanc Ecclesiam nec Christianum nomen aliquem juvat, nec baptismus salvat, nec mundum Deo sacrificium offertur, nec peccatorum remissio accipitur, nec aeternæ vite felicitas invenitur. Una est enim Christi Ecclesia, una columba, una dilecta, una sponsa: in qua Trinitas unus Deus, unius naturæ atque substantiæ creditur; in qua nec Filio, nec Spiritui sancto contumelia minorationis ingeritur; in qua unus atque idem cultus, et honor unus uni Trinitati, quæ Deus verus est, exhibetur. Hæc est una vera **378** Ecclesia, quæ sic credit et prædicat unam Trinitatis essentiam, ut in tribus unam quamlibet non audeat alteri præferre personam. Sic enim nihil se diversum colere in substantia divinitatis ostendit, ut Patrem et Filium, et Spiritum sanctum, hoc est ipsam Trinitatem unum verum et solum confitens Deum, nec in unitatis nomine Sabellianæ confusionis incurrat errorem, et in Trinitatis vocabulo meminerit Arianæ diversitatis mortiferam vitare perniciem. Apostolice quippe prædicationis retinens norinam, quemadmodum Trinitatem cognoscit in personis Patris, et Filii, et Spiritus sancti; sic unius Dei rectam prædicat fidem, quia in Patre, et Filio, et Spiritu sancto naturalem prædicat unitatem.

CAPUT XXIII.

Ab hac Ecclesia si qui foris sunt in diversis erroribus constituti, tunc accipient indulgentiam peccatorum, si ad eamdem Ecclesiam, dum sunt in hoc seculo constituti, recta credulitate fuerint et contriti cordis humilitate conversi. Ergo currant, dum tempus est, ad legitimam matrem, quæ, sicut ex utero suo natos filios continet diligenter et nutrit, sic ex ancilla natos, non solum redeentes non respuit, quin etiam misericordiæ visceribus errantes inquirit, et pro affectu incessanter invitat, quos in societatem paternæ hæreditatis inducat. Neque enim in eis attendit ancillaris uteri conditionem, sed paterni recognoscit seminis veritatem. Quæ est enim veritas paterni seminis, nisi baptisma perceptum in nomine Trinitatis? Hoc illa in quounque repererit, tanquam legitima mater sui juris esse cognoscit. Novit enim, sicut Rachel (*Genes. xxx*), non solum proprio utero filios parere, verum etiam ex ancilla progenitos suo nomine tanquam genitrix legitima vindicare. Hoc opus est, ut illi non negligant fraternalm societatem

repere, si volunt paternæ hæreditatis munere non carere. Igitur hæresim relinquentes ad catholicam Ecclesiam celeriter revertantur; nec de hæreditatis possessione dubitent, nec de peccatorum remissione desperent. Qui enim non credit intra Ecclesiam catholicam cuncta relaxari posse peccata, ipse sibi remissionem peccatorum denegat, si de hoc sæculo in eadem cordis impenitentis duritia perseverans, alienatus ab ecclesiastica societate discedat.

CAPUT XXIV.

Talis igitur adversus Spiritum sanctum dicit verbum, quod neque in hoc neque in futuro sit sæculo remittendum (*Matth. xii.*, 32). *Caritas enim Dei,* quæ cooperit multitudinem peccatorum (*I Petr. iv.*, 8), diffusa est, sicut Apostolus dicit, in *cordibus nostris* per *Spiritum sanctum, qui datus est nobis* (*Rom. v.*, 5). Haec caritas, quia incorruptum tenet unitatis fraternæ consorium, propter ea multitudinem peccatorum cooperit, et in unitate spe certissima perseverantes perficere non sinat. Si quis igitur teneat fidem, quæ per caritatem operatur (*Galat. v.*, 6), sic agit penitentiam **379** pristinæ cujuslibet erroris, ut euī nec erroris ulterius societas lenget, nec catena mortis ex desperationis obstringat, liber erit ab illo verbo quod adversus Spiritum sanctum dicitur, quod diceatur non dimittitur, neque in hoc sæculo neque in futuro. Hoc enim verbo Dominus et Salvator noster non aliqua peccata insinuavit in futuro sæcula dimittenda que in hoc speculo dimissa non fuerint; sed bene intelligendis ostendit non alia, sed illa tantum in futuro speculo dimittenda que in hoc speculo in una et vera Ecclesia catholica suerint unicuique dimissa. Soli enim illi Dominus ligandi solvendique tribuit potestatum, dicens: *Tibi dabo claves regni caelorum; et quodcumque ligaveris super terram, erit ligatum et in caelis; et quodcumque solveris super terram, erit solutum et in caelis* (*Matth. xvi.*, 19). Quod ergo sancta Ecclesia in hoc sæculo non solverit ita insolubile permanet, ut etiam in futuro sæculo solvi nullatenus possit. Ligatus est autem omnis homo quem ista non solverit; nec consequetur aliquod solutionis beneficium, qui non conversus ad penitentiam in Ecclesia sibi dannata speraverit indulgentiam peccatorum. Ille igitur dicit inremissibile verbum adversus Spiritum sanctum, qui divitias unitatis Dei, et patientiae, et longanimitatis contemporans, secundum duxitam suam et impenitentem cor thesanarizat sibi ipsam in die iræ et revelationis iusti judicij Dei, qui reddet unicuique secundum opera sua (*Rom. ii.*, 4).

CAPUT XXV.

Etenim sive caritas, et ea de corde puro ^a, sive unitatis fraternæ communio, sive hæreditatis coelestis paterna possessio, in sancti Spiritus donatione consistunt. De caritate quippe Doctor gentium dicit: *caritas Dei diffusa est in cordibus nostris per Spiritum sanctum, qui datus est nobis* (*Rom. v.*, 5). Unitatem quoque Spiritus cum eadem caritate commendat, di-

A cens: *Obsecro itaque vos ego vinctus in Domino, ut dignæ ambuletis vocazione qua vocati estis, cum omnibus humilitate et mansuetudine, cum patientia supportantes invicem in (al. cum) caritate, solliciti servare unitatem Spiritus in vinculo pacis* (*Ephes. iv.*, 4, 2, 3). Ipsam quoque communionem Spiritus sancti esse confirmat, dicens: *Gratia quoque Domini nostri Iesu Christi, et caritas Dei, et communicatio Spiritus sancti sit cum omnibus vobis* (*II Cor. xiii.*, 15). De hæreditate quoque nostra sic loquitur: *Signati estis Spiritu promissionis sancto, qui est pignus hæreditatis nostrarum* (*Ephes. i.*, 15, 14). Spem quoque ipsam, quæ vitium desperationis expellit, sancto Spiritui beatus assignat Apostolus dicente: *Deus autem spei repletus vos omni gaudio et pace in credendo, ut abundetis in spe et virtute Spiritus sancti* (*Rom. xv.*, 15). Ille itaque coelestis hæreditatis adipiscitur perenne consortium, qui intra Ecclesiam catholicam fraternæ caritatis custodiens unitatem, priusquam præsentem liniat vitam, deponit mortiferam cordis impenitentis duritiam, nec desperat in Ecclesia una et vere catholica remissionem onerium peccatorum conversis dari per Spiritum sanctum. **380** Quod etiam ipse Salvator noster ostendit. Postquam enim resurrexit, insuflans in discipulos, et eis dohūm sancti Spiritus tribuens, remittendorum ei potestatem tribuit peccatorum, dicens: *Accipite Spiritum sanctum. Si cujus peccata dimiseritis, dimittentur ei; cujus retinueritis, retinebuntur* (*Joan. xx.*, 22, 23).

CAPUT XXVI.

Non itaque adversus se mortifera desperatione claudent ostium indulgentiarum, qui, ab Ecclesia catholica segregati, cujuslibet heretice sive schismatis tenent errore obstreti. Deponant duritiam cordis, si nekunt mali interminabilibus crecari. Scriptum namque est quia *Cor durum male habebit in novissimo, et qui amat periculum in illo peridit* (*Ecclesi. iii.*, 27). Quid autem periculosius quam divinis obedientiam non exhibere sermonibus, et vocantie Dei spernere voluntatem? Propter quod in libro sancti Job, sicutus hic qui convertuntur aeternitas promittitur gloria, sic impia, pro eo quod non obediunt, salutis numerus demegatur. Sic enim scriptum est: *Qui convertuntur ab iniuriate, si audierint et renoverint, complebitur dica suos in bonis, et annos suos in gloria. Impios vero non facit salvos, eo quod noluerunt acire Deum, et cum morarentur, inobedientes erant* (*Job. xxxxi.*, 16 et seq.). Non ergo spernant obedientiæ tempus indultum, sed ad Ecclesiam catholicam revertantur; in qua sola per sancti Spiritus donum caritas cooperit multitudinem peccatorum (*I Petr. iv.*, 8). Si qui etiam in Ecclesia catholica sunt, et male vivunt, priusquam istam vitam finiant, festinent ut a mala vita discedant; nec sibi putent ad salutem sufficere catholicum nomen, si Bei non facient voluntatem. Bicū enim Salvator noster: *Non omnis qui dicit mihi, Domine, Domine, intrabit in regnum caelorum; sed qui fecerit voluntatem*

^a Sic ms. et ed. At ms. habet emendatum alia manu, *exeat de corde puro.*

Patris mei, qui in cœlis est, ipse intrabit in regnum eorum (*Matth. viii, 19*). Nam et in libro Psalmorum scriptum est : *Quia prope est Dominus omnibus invocantibus eum in veritate; voluntatem timentium se faciet, et precos eorum exaudiet, et salvos faciet eos* (*Psalm. cxlv, 18, 19*). Propter quod et in Proverbis unusquisque nostrum et timere Dominum jubetur, et a malo discedere. Ibi quippe dicitur : *Time Dominum, et dectina ab omni malo, et erit pars corpori tuo, et diligenter ossibus tuis* (*Prov. ix, 7, 8*). Nam et in libro Ecclesiastico, ne mala faciat unusquisque fidelium sit admonet : *Noli facere mala, et non apprehendenter te. Discede ab iniquo, et discedenter mala ab te. Ne semines mala in sulcio iniurie, et non metes illa in septuplum* (*Ecclesiastes viii, 1, 2, 3*). In eodem libro rursus ne quisquam peccata peccatis adjiciens de misericordia Dei velit sibi vana cogitatione blandiri, hujuscemodi verbis doctrina salutaria occurrit : *Ne adjicias peccatum super peccatum, et dicas : Miseratio Dei magna est; misericordia enim et ira ab illo, et in peccatores respicit ira illius* (*Ecclesiastes v, 5, 6, 7*). Et rursus sanctus Job dixit : *Nonne perditio erit iniquo, et alienatio scientibus iniquitatem* (*Job xxxi, 3*)? In Proverbis scriptum est : *Iniquitates sue copient impium; funeris autem peccatorum suorum unusquisque constituitur. Hic moritur cum indisciplanatis, 381 de multitudine autem vita sua projectus est, et perit pro insipientia* (*Prov. v, 22, 23*).

CAPUT XXVII.

Et ne quis putet aliqua peccata hominum latere Deum posse, sancti Job sermonibus instruamur dicens : *Cogitationes meas dinumerasti, et nihil te latuit peccatorum meorum. Signasti quasi^a in sacculo iniquitates mens, adnotasti si quid invitius erravi* (*Job xiv, 16, 17, juxta LXX*). Ne vero aliquis impunitum se futurum putet, si converti noluerit, ejusdem sancti viri verbis intentus apud eum dicens : *Imo vero nullus confidat cum sit nequam, se impunitum futurum, quidquid in iracundia provocet Deum, tanquam inquisitio in eo non sit futura.* Propter hoc in Ecclesiastico salubria deprompta monitio, ut nec conversio nobis desit qua vitentur peccata, nec deprecationis, qua possint dimitti præterita. Sic enim dicitur : *Fili, peccasti? Ne adjicias iterum; sed et de pristinis deprecare, ut tibi dimittantur. Quasi a facie colubri fuge peccata. Si accesseris ad illa, suscipient te, et quasi dentes leonis in rorando interficiunt te* (*Ecclesiastes xi, 1, 2*). Sed nec illud siletur, quod impii et peccatores qui poenitentiam impietatis sive iniquitatis agere noluerint, eternis sint in fine depunitandi suppliciis, misericordiam vero his qui poenitentiam gesserint Dominus noster largiatur. Quippe in libro Ecclesiastico sic positum est : *Quoniam et Altissimus misertus est paenitentibus, et impii et peccatoribus reddet vindictam* (*Ecclesiastes xii, 7*). Rursus in eodem volumine sic dicitur : *Memento quoniam ira non tardabit. Humilia valde spiritum tuum, quoniam vin-*

A dicta carnis impii ignis et vermis (*Ecclesiastes vii, 18, 19*). Esaias quoque dicit : *Quia ignis eorum non extingueatur, et vermis eorum non morietur* (*Isaiah lxvi, 24*). Rursum in Ecclesiastico positum est : *Stupra collecta synagoga peccantium, et consummatio eorum flamma ignis. Via peccantium plena offensis, et in fine illorum inferni, et tenebrae, et pœnae* (*Ecclesiastes xxii, 10, 11*).

CAPUT XXVIII.

Huc est mores, quae secundum carnem viventes excipiunt, sicut beati Pauli prædicatio sancta testatur, ita dicens : *Ergo, fratres, debitores sumus non carnem, ut secundum carnem vivamus. Si enim secundum carnem vivemus, mortemini; si autem spiritu facta carnis mortificaveritis, vivetis* (*Roman. viii, 12, 13*). Facta autem carnis sequitur, si quis aut obsecetur desideria saecularium, aut in impietate vult remanere captivus : *cum nos non aliud doctrina spiritualis cruditas, nisi ut abnegata impietate, desideria quæcumque secundaria deponamus. Quod gentium Doctor his verbis insinuat : Apparuit autem gratia Domini omnibus hominibus, erudiens nos, ut abnegantes impietatem et saecularia desideria, sobrie et juste et pie vivamus in hoc sæculo, expectantes beatam spem, et adventum gloriae magni Bei, et Salvatoris nostri Jesu Christi* (*Tit. ii, 14 et seq.*). Illorum 382 est igitur spes beata, illorum expectatio certa, illorum felicitas futura, qui abnegantes impietatem et saecularia desideria, sobrie et juste et pie vixerint in hoc sæculo. Soleritas itaque et justitia et pietas debent a Christianis intentissime custodiri. Sobrietatem autem custodit quisque, mores suos vitamque componit. Et ille justus vivit, qui proximo nec mali aliquid ingerit, et in quantum potest, adjutorium bona operationis impendit. Ille etiam pie vivit, qui perversum aliquid nec credit de Deo, nec dicit. Quisquis ergo vult ad regnum pervenire cœlorum, vivat sobrius in seipso, justitiam servet in proximo, pius perseveret in Deo.

CAPUT XXIX.

Hæc autem tunc in futura vita proderunt, si in vita sæculi presentis habeantur. Hoc enim beatus et sciebat et docebat Apostolus, qui præcipiebat ut sobrie et juste et pie vivamus in hoc sæculo (*Ibid.*) : docens scilicet illos adepturos in judicio misericordiam, qui ante iudicium in hoc sæculo justam gerentur vitam. Propter quod nos in libro Ecclesiastico divina premonet Scriptura, dicens : *Ante iudicium para justitiam ibi, et in conspectu Dei invenies propitiationem* (*Ecclesiastes xviii, 19*). Debet itaque hic sibi justitiam preparare, quisquis in conspectu Dei propitiationem desiderat invenire. Quod enim in presente seculo sibi homo non thesaurizaverit, future retributionis tempore non habebit. Quod ut divinarum testimoniorum Scripturarum quantum sat est possit ostendendi, prima terminemus librum, ut consequenter parti residue questionis congruum dare possimus exordium.

^a Ms. unus omittit quasi, nec legitur apud LXX; sed habetur in ms. altero et edd.

^b Ms. unus, ita scribentis.

LIBER SECUNDUS.

383 CAPUT PRIMUM.

Non ignoro libri superioris initio sic nos quæstiōnem de remissione peccatorum tractandam in Dei nomine atque adjutorio suscepisse, ut tria fieret disputationis inchoatæ partitio. Etenim cum Dominō nostro, hoc est Deo vero, nec misericordiam deesse, nec justitiam diceremus (quod etiam Scripturarum divinarum manifestissima curavimus attestatio monstrare), hinc 'diximus facilius veritatem posse quærentibus apparere, qualibus Deus peccata dimittat, ubi dimittat, quando dimittat. Hujus tripartitæ divisionis cum jam geminam persolverim partem, tertia me non nescio debitorem. Qualibus etenim Deus peccata dimittat, et ubi dimittat, quantum nobis Deus suæ pietatis condonavit auxilium, arbitror superiore libro competenter ostensum. Constat ^a namque peccatorum remissionem non tribui nisi conversis intra Ecclesiam catholicam constitutis. Ibi enim potest conversio esse vera, ubi fides vera comitatu sanctæ conversationis ornatur, et bene vivendi studium nulla præve credulitatis malaulatione polluitur. Vita enim bona non veraciter dicitur, quæ perversæ credulitatis vitio depravatur; neque sufficit ad salutem fides recte credentis, si conversatio moribus atque operibus turbatur obscenis. Propter quod sicut mortuam sine operibus aldem beatus Jacobus prædicat (*Jac.* n. 17), sic omne quod non est ex fide peccatum esse Paulus sua prædicatione confirmat (*Rom.* xiv. 23).

384 CAPUT II.

Nunc autem in quantum nobis a luce vera, quæ illuminat omnem hominem venientem in hunc mundum (*Joan.* i. 9), donatur illuminationis auxilium, aggredimur ostendere quando pœnitentibus detur remissio peccatorum. Sterilis enim pœnitentia remissionis fructu privabitur, si divinitus induiti temporis opportunitas omittatur. Propter quod beatus Petrus dicit: *Non tardat Dominus promissum suum, sicut quidam tardantem existimant^b, sed patienter fert propter vos, nolens aliquem perire, sed omnes ad pœnitentiam converti* (*II Petr.* iii. 9). Obsecro, Euthymi carissime, ne te pigeat intenta consideratione pensare quantum sit ponderis in hac apostolici virtute sermonis. Neque enim debet tanquam leve contemni quod beatus Petrus ob hoc dicit Deum patienter ferre, quia non vult aliquem perire, sed omnes in pœnitentiam converti. Hic enim prodest pœnitentia peccatori, ubi Deus peccantem damnare non festinat, ut remissionem peccatorum ad pœnitentiam converso concedat. Quia si etiam post hanc vitam iniquorum pœnitentia possit esse aliquatenus fructuosa, non diceret beatus Petrus, propterea Deum patienter ferre, quia non vult aliquem perire, corum scilicet

^A *quos præsciiit et prædestinavit conformes fieri imaginis Filii ejus (Rom. viii, 29).* Istorum nemo perit. *Voluntati autem ejus quis resistit?* Isti ante finem præsentis vitæ Dei misericordia gratis præveniuntur, ipsis corde contrito et humiliato salubriter compunguntur, et omnes ad pœnitentiam divino munere convertuntur, ad quam sunt divinitus prædestinati per gratuitam gratiam, ut conversi non pereant, sed habeant vitam æternam. Hi procul dubio sunt *omnes* quos secundum beati Pauli præconium *Deus vult salvos fieri, et in agnitionem veritatis venire* (*I Tim.* ii, 4). Quia enim ille hoc vult qui omnia quæcunque voluit fecit, quod vult semper insuperabiliter facit. Hoc utique in eis impletur quod omnipotentis Dei voluntas incommutabilis et insuperabilis habet; cuius sicut mutari voluntas non potest in dispositione, ita nec prohibetur nec impeditur potestas in opere: quia nec sequitatem illius valet quisquam juste reprehendere, nec misericordiam ipsius potest aliquis obviare. Unde Salvator noster incredulæ civitatis malevolentiam talibus verbis objurgat: *Hierusalem, Hierusalem, quæ occidis prophetas, et lapidas missos ad te* ^c, *quotiens volui congregare filios tuos sicut gallina congregat pullos suos sub alas suas, et notuisti* (*Matth.* xxiii, 37)! Hoc autem dixit Christus, ut aliud malam voluntatem ostenderet qua insuperabilis voluntati divine frustra resistere nitebatur, cum bona voluntas Dei nec ab eis possit vinci quos deserit, nec aliquid non possit operari quod velit. Illa igitur Hierusalem, quantum ad ejus attinet voluntatem, C *suos filios ad Salvatorem congregari noluit, sed tamen ille omnes quos voluit congregavit.* Ac per hoc illa resistere voluit Omnipotenti, nec valuit: quia Deus qui, sicut scriptum est, *Omnia quæcunque voluit fecit* (*Psal.* cxxxiv, 6), quoscunque voluit ad se gratuitæ justificatione convertit, præveniens scilicet superabundantis gratiæ munere quos possit utique si vellet justo damnare. Ergo cum Petrus apostolus dicit quia Deus patienter fert, nolens aliquem perire, sed omnes in pœnitentiam converti (*II Petr.* iii, 9), non sic accipiamus omnes dictos, tanquam nullus sit qui congrue pœnitentiam non sit acturus; sed illos hic omnes accipere debemus, quibus sic Deus pœnitentiam hic donat, ut etiam perseverantiam donet: hoc est, qui sic divina præveniente misericordia convertuntur, ut eadem misericordia subsequente ad crimina quibus renuntiant nullatenus revertantur. Hi sunt quibus, sicut Paulus ait, dat *Deus pœnitentiam ad cognoscendam reritatem, ut resipiscant a diaboli laqueis, a quo captivi tenentur ad ipsius voluntatem* (*II Tim.* ii, 25). Hanc pœnitentiam quisquis curaverit in hoc seculo gerere, ipse apud Deum pœnitentie sue fructum poterit invire.

^a Ms., *constitit.*

^b Sic edd. cum uno ms. Ms. alter, *tarditatem exi-*

^c Ms., *lapidas eos missos ad te.*

CAPUT III.

Cæterum legimus in libro Sapientie quosdam in die judicii habituros quidem paenitentiam, non tamen indulgentiam divinitus accepturos. Scriptum denique sic habetur : *Tunc stabunt justi in magna constantia adversus eos qui se angustiaverunt, et qui abstulerunt labores eorum. Videntes turbabuntur timore horribili, et mirabuntur in subitatione insperatae salutis, dicentes inter se, paenitentiam habentes, et per angustiam spiritus gementes : Hi sunt quos habuimus aliquando in derisum, et in similitudinem improperii; nos insensati vitam illorum aestimabamus insaniam, et finem illorum sine honore. Quomodo computati sunt inter filios Dei, et inter sanctos sors illorum est* (*Sap. v, 1 et seq.*)? Nemo autem, cum legit dictum quia mali mirabuntur in subitatione insperatae salutis, existimet illis qui in criminibus praesentem finiunt vitam, quandoque insperatam salutem divino munere conferendam. Justorum namque insperata salus, quæ licet desperatur ab iniquis danda, tamen permanet sperantibus justis. Unde beatus David unam psalmi loco spem justorum cecinit et salutem, dicens : *Salus autem justorum a Domino, et protector eorum est in tempore tribulationis : et adjuvabit eos Dominus, et liberabit eos, et eripiet eos a peccatoribus, et saluos faciet eos, quoniam speraverunt in eum* (*Psal. xxxvi, 39, 40*). Hinc est quod iniqui æternis deputandi tormentis dicturi sunt de justis : *Hi sunt quos habuimus aliquando in derisum et in similitudinem improperii; nos insensati vitam illorum aestimabamus insaniam, et finem illorum sine honore*. Hæc est insperata salus, quoniam vitam justorum insaniam aestimabant; et cum ipsi essent insani, sanos se esse credebant, nec sperabant retributionem divinæ justitiae, et propterea vitam suam corrigere negligebant. Etenim delectantur hic luxuriose vivere diebus paucis, nec se credebant postmodum a æternis cruciando esse suppliciis. Propterea cum justos viderint in illa gloria filiorum Dei de qua dicit beatus Paulus : *In qua stamus et gloriamur in spe gloriae filiorum Dei* (*Rom. v, 2*); tunc iniqui mirabuntur in gloria justorum, hoc est illorum **386** Dei; quia ipsi justi sunt filii Dei. Propterea iniqui paenitentiam steriliter quia intemporaliter habentes, et per angustiam spiritus gementes : *Quomodo computati sunt inter filios Dei, et inter sanctos sors illorum est?* Insperata ergo salus, id est quæ sperata non est ab iniquis, profecto justis dabitur, non iniquis. Non enim dabitur illis qui eam desperando male vivunt, sed illis qui eam bene sperando, et a desideriis carnalibus abstinendo, beati Petri salubria mandata custodiunt, dicentis : *Carissimi, obsecro tanquam adrenas atque peregrinos abstinere vos a carnalibus desideriis, quæ militant adversus animam; conversationem vestram inter gentes habentes bonam* (*I Petr. ii, 11*). Per ipsam bonam conversationem justi exhibent corpora sua hostiam viventem, sanctam, Deo placentem (*Rom. xii, 1*), quia per bonam conversa-

Ationem ipsi sunt etiam templum Dei. Quod esse fidèles testatur Apostolus dicens : *Nescitis quia templum Dei estis, et spiritus Dei habitat in vobis* (*I Cor. iii, 16*)? Hoc templum ne malis operibus polluatur, non solum diligenter præmonet, sed etiam vehementer nostros animos terret, dicens : *Si quis autem templum Dei violaverit, disperdet illum Deus. Templum enim Dei sanctum est, quod estis vos. Nemo se seducat* (*Ibid., 17, 18*). Quis enim, rogo, male vivens, cum audit ab Apostolo, quia si quis templum Dei violaverit, disperdet illum Deus, si conversus in hoc tempore non fuerit, aliquam sibi spem remissionis future promittere audeat? Quis non tremefactus concidat? Quis non ante finem vite presentis ad paenitentiam compunctus et humiliatus accurrat? Clamat **B** Apostolus : *Quia si quis templum Dei violaverit, disperdet illum Deus*, et vanus homo seducit sese cogitatione nequissima, dicens : *Etiamsi templum Dei violavero, et usque in finem male vixero, salvus ero. Nunquid non talibus dicit Apostolus, quia dicunt : Faciamus mala, ut veniant bona, quorum damnatio justa est* (*Rom. iii, 8*). Nonne hi sunt quos sancta Scriptura infelices appellat, spemque illorum vacuam omnino pronuntiat, dicens : *Sapientiam et disciplinam qui abicit infelix est, et vacua est spes illorum, et labores sine fructu* (*Sap. iii, 11*)?

CAPUT IV.

C Salus illa igitur non dabitur iniquis, sed justis : ante finem scilicet hujus vite correctis atque conversis. Salus illa bonis dabitur, qui ad amicitiam Dei cucurserint per conversionem, non malis, qui permanentes amici mundi, apostolica increpatione inimici Dei merentur congrue nuncupari. Tales enim beatus Jacobus subjurgat : *Adulteri, nescitis quia amicitia hujus mundi inimica est Deo? Si quis ergo voluerit amicus esse hujus mundi, inimicus Dei constituetur* (*Jac. iv, 4*). Quisquis igitur declinans a malo et faciens bonum, pro suis iniquitatibus in presenti vita paenitentiam gesserit, et conversus ad Deum toto corde malis operibus renuntiaverit, spes ipsius vana non erit. Cæterum frustra seipsum seducit, quisque latam et spatiösam viam se perventurum arbitratur ad vitam : cum Dominus per arcam viam nos jubeat ambulare, atque angustæ portæ nobis demonstret introitum, **387** per quem venitur ad regnum. Dicit enim : *Intrate per angustam portam. Quam lata porta et spatiosa via quæ dicit ad perditionem, et multi sunt qui intrant per ipsam! Quam angusta porta et arcta via quæ dicit ad vitam, et pauci sunt qui inventi sunt eam* (*Math. vii, 13, 14*)! Via nostra praesens vita est, in qua si quis positus verbo Dei non consenserit, non accipiet remissionem peccatorum; sed in fletu et stridore dentium lugebit sine fine suppliūm^b : nec immerito nunquam merebitur carere tormento, qui quandiu hic vixit, noluit renuntiare peccato.

non addunt æternum.

^a Ms. unus, post modicum.

^b Ms. unus, æternum sine fine supplicium. Cæteri

CAPUT V.

Propter hoc unumquemque nostrum Salvator præmonet, dicens : *Esto consentiens adversario tuo cito dum es in via cum eo, ne forte tradat te adversarius iudici, et judex tradat te ministro, et in carcerem mittaris.* Amen dico tibi, non exies inde donec reddas novissimum quadrantem (*Matth. v, 25*). Adversarium sibi quippe facit homo Dei verbum, quandiu illa facit quæ divinus sermo prohibet. Cui dicitur in psalmo : *Tu vero odisti disciplinam, et projecisti sermones meos post te* (*Psal. xlix, 17*). Huic sermoni divino si quis in via, hoc est si quis in hac vita cito consentiens non fuerit, missus in carcerem ignis æterni ultra requiem non habebit. Bonus enim adversarius iste, qui salubri adversitate jugiter instat, ut a nobis adversitatem mortiferæ iniquitatis expellat. Hinc est quod nos in alio loco Scriptura divina, ut celeriter convertamur, hortatur, ne tarditas mortifera perditionem differenti pariat, non salutem. Ait igitur : *Ne tardaveris converti ad Deum, et ne differas de die in diem; ne subito veniat ira ejus, et in tempore vindictæ disperdet te* (*Ecli. v, 8*). Ostendit utique sermo divinus quia cum vindictæ tempus advenerit, non jam conversio malum punitione subtrahet, sed ira vindictæ debita condemnatione disperdet. Illud etenim tempus non erit remissionis, sed retributionis; nec indulgentiæ, sed vindictæ. Quæ idcirco divina longanimitate differtur, ut sanctorum numerus impleatur. Ilanc enim vindictam beatus Joannes in Apocalypsi sanctos memoratur postulasse, quorum haec verba sunt : *Quousque, Domine, sanctus et reris, non judicas, et non vindicas sanguinem nostrum de his qui in terra habitant* (*Apoc. vi, 10*)? Et ut doceret pro his qui eorum sunt consortio copulandi, tempus vindictæ superna ordinatione differti, sequitur dicens : *Et datae sunt singulis stolæ albæ, et dictum est eis ut requiescerent brevi adhuc tempore, donec impleatur numerus conservorum et fratrum eorum* (*Ibid., 11*). Noverat etiam beatus Paulus presentis sæculi futurique distantiam. Sciebat in presenti posse tantum beneficium salutis acquiri; in futuro autem non nisi mercedem justitiae singulis, pro bonorum seu malorum operum qualitate restituiri. Unde cum propheticum posuisset testimonium quod dicit Deus : *Tempore accepto exaudivi te, et in die salutis adjuvite* (*II Cor. vi, 2*); continuo ipse subsecutus adjungit : *Ecce nunc tempus 388 acceptabile, ecce nunc dies salutis* (*Isai. xlix, 8*). De futuro autem dicit : *Omnes enim nos manifestari oportet ante tribunal Christi, ut recipiat unusquisque propria corporis, prout gessit, sive bonum, sive malum* (*II Cor. v, 10*).

CAPUT VI.

Non ergo in futuro tribuitur vita æterna, nisi fuerit in hoc sæculo peccatorum donata remissio; neque hic accipiet remissionem peccatorum, nisi qui suis peccatis renuntiat, et ad Deum summum ac verum cordis vera conversione festinat. Illud etenim tempus non erit remissionis, sed retributionis. Non ibi mi-

A sericordia justificabit inopium, sed justitia discernet justum et impium. Scriptum namque continetur in psalmo : *Dominus interrogat justum et impium* (*Psal. x, 6*). Et ut ostenderet in iniquitatibus perditionem esse animæ, non salutem, sequitur dicens : *Qui autem diligit iniquitatem, odit animam suam.* Ne vero aliquam sibi misericordiam reprobant qui usque in finem praesens vitæ in iniquitate perdurant, subsequenter de Deo sic loquitur : *Pluit super peccatores laqueos, ignis, sulphur et spiritus procellarum, pars calicis eorum : quoniam justus Dominus justitias dilexit, æquitatem ridet vultus ejus* (*Ibid. 7, 8*). Quisquis igitur haec audiens in presenti tempore misericordiam Dei noluerit per conversionem querere, in futuro eam nunquam poterit invenire. Hoc enim justus judex per beatum nobis apostolum Jacobum de-nuntiari precepit, eodem dicente : *Judicium sine misericordia illi qui non fecerit misericordiam* (*Jac. ii, 13*). Ordo autem misericordiæ continet; ut misericordiam quam homo impendere jubetur alteri, prius exhibeat sibi, dicente Scriptura : *Miserere animæ tuae placens Deo* (*Ecli. xxx, 24*). Proinde si quis placere Deo non vult, animæ sue misericordiam denegat; et qui animæ sive misericordiam in praesenti seculo noluerit donare, nullatenus apud Deum misericordiam poterit invenire. *Judicium enim sine misericordia illi qui non fecit misericordiam.* Ac per hoc, quod subsequenter dicitur : *Superexaltat autem misericordia judicium* (*Jac. ii, 13*)*, in illo flet qui nunc miseretur animæ sue placens Deo. Ipse namque Dominus dicit : *Beati misericordes, quoniam ipsi misericordiam consequentur* (*Matth. v, 7*). Nam cum beatus Apostolus moneat, *ut omnia honeste et secundum ordinem fiant* (*I Cor. xiv, 40*), propter quod et in Cantico canticorum dicitur : *Ordinate in me caritatem* (*Cant. ii, 4*): quomodo dicendus est aut caritatis aut misericordiæ ordinem tenere, qui, non dico quemlibet hominem alium, sed ipse corpus suum reflectit cibo, ne deficiat; munit indumento, ne algeat; dum est sanum, cavit ne infirmetur; dum est infirmum, satagit ut sanetur; carni sue alimentorum incessanter, vestimentorum, medicaminorum ministrat sollicita intentione subsidium; et animæ sue male vivendo conquerit interitum : carnem suam necessariis cibis nutrit, et animam suam operibus malis interficit; carni sue noxios cibos negat, et animæ sue opera mala, tanquam venena mortifera subministrat; carni sue vitam prolongare desiderat, quæ finitur diebus paucis, et animæ sue procurat mortem, **389** cuius in supplicio non erit finis? Ac per hoc qui animam suam odisse convincitur, etiam animæ sue crudelis adversarius invenitur : quia sicut boni actus faciunt carnem cum anima cœlesti beatitudine perfici, sic opera mala faciunt æterno igni animam cum carne torqueri. Ipse sibi ergo est perniciosissimus inimicus, quisquis male vivens, vitam non mutat antequam finiat.

* Ms. unus, misericordiam judicio.

CAPUT VII.

Ex hujs enim vita fine illius vita pendet initium, in qua quidquid retribuitur non finitur. Cum autem digne ab apostolo Joanne dicatur : *Qui odit fratrem suum, homicida est, et scitis quia omnis homicida non habet vitam æternam in se manentem* (*I Joan. iii, 15*). Cumque sanctus David dicat : *Qui autem diligit iniquitatem, odit animam suam* (*Psal. x, 6*) : si homicida est qui fratrem suum odit, quid est qui diligit iniquitatem et odit animam suam ? et si ille qui odit fratrem non habet vitam æternam in se manentem, quomodo ille qui in dilectione iniquitatis odio animæ sue finit istam vitam, pervenire poterit ad indulgentiam peccatorum, per quam venitur ad vitam ? cum ipse Dominus noster evidenter ostendat qualiter ad vitam unusquisque perveniat, dicens : *Si vis. venire ad vitam, serva mandata* (*Matth. ix, 17*). Ille igitur veniet ad vitam qui mandata servat. Quis autem servat divina mandata, nisi qui ad Deum conversus ante finem vite præsentis discesserit ab iniuitatibus pristinis ? Propter quod beatus Paulus nos admonet, *ut discedat ab iniquitate omnis qui invocat nomen Domini* (*I Tim. ii, 18*). Hoc autem dicebat, sciens quia in hoc tempore paenitentia fructuose agitur, in quo paenitentibus indulgentia condonatur. Cæterum in futuro erit iniquorum paenitentia, sed fructuosa non erit : quia iniquorum conversio nulla erit. Mittentur enim in tenebras exteriore, ubi erit fletus et stridor dentium. Ibi sine fine cruciabuntur non solum gehennali supplicio anime simul et corpora, sed etiam ipsis tenebris pessimæ voluptatis. Hic erit enim talibus mala ipsa voluptas ad supplicii cumulum, pro qua manet eorum sine fine tormentum. Spernunt enim nunc opportunitatem temporis accepti ; et in die salutis non querunt divinitus adjuvari. Quod tempus ita Deus prophetico nobis insinuavit eloquio, dicens : *Tempore accepto exaudiui te, et in die salutis adjuri te* : Hoc testimonium in Epistola sua cum beatus Apostolus indidisset, secutus adjunxit : *Ecce nunc tempus acceptabile, ecce nunc dies salutis* (*II Cor. vi, 2*). Hoc tempus alio loco sic evidenter idem commendat apostolus, ut quisquis divino illuminatus munere intente legerit et competenter intellexerit, non se decipiat, nec aliud sibi tempus conversionis aut remissionis inquirat : sciens quia quisquis in hoc tempore indulgentiam noluerit querere, nullatenus post istam vitam poterit inventare. Scribens ergo beatus Paulus ad Galatas hæc loquitur : *Nolite errare : Deus non irridetur. Quæ enim seminaverit homo, hæc et metet. Quoniam qui seminat in carne sua, de carne metet corruptionem ; qui autem seminat in spiritu, de spiritu metet vitam æternam. Bonum autem facientes, non deficiamus : tempore 390 enim suo metemus non deficientes.* Ergo dum tempus habemus, operemur bonum ad omnes ; maxime autem ad domesticos fidei (*Gal. vi, 7 et seq.*). His Apostoli verbis quis piger ad operis boni non excitetur affectum ? Quis errans a Deo non rectam viam tremefactus inquirat ? Quis non seminationi bona delectetur insistere, quando se non aliud quam quod seminat recepturum cognoscit in messe ?

A

CAPUT VIII.

Oportet igitur ut hunc apostolicæ prædicationis sermonem paulo diligentius attendamus. Neque enim frustra cum tanto pondere præmonet dicens : *Nolite errare* ; ac deinceps adjecit : *Deus non irridetur.* Postmodum vero aperuit, in quo nonnullos errare cognovit, inquiens : *Quæ enim seminaverit homo, hæc et metet.* Errat ergo quisquis se in retributione futura messurum putat quod in hujus temporis operatione non seminat. Verum quia ipsius seminationis ac messis diversitas fuit evidentius intimanda, idcirco eam subsequentibus verbis peritus discernendi agricola subjungens, hæc ait : *Quoniam qui seminat in carne sua, de carne metet corruptionem : qui autem seminat in spiritu, de spiritu metet vitam æternam.* Ille est ergo error quem in hujus sermonis interdixit exordio, quo se unusquisque aliud existimat messurum esse quam seminat. Errat igitur quisquis in carne seminat, de qua corruptio metitur, existimat messurum se vitam æternam, quæ in spiritu seminantibus reservatur. Sequitur vero Apostolus dicens : *Bonum autem facientes, non deficiamus : tempore enim suo metemus non deficientes.* Hæc (forte hic) evidenter ostendit seminis nomine uniuscuusque opera designari. Superius enim dixerat : *Quæ enim seminaverit homo, hæc et metet.* Nunc dicit : *Bonum autem facientes, non deficiamus : tempore enim suo metemus non deficientes.* Vere Veritatis discipulus, et ob hoc magister egregius gentium, qui sicut justitiam non defutram in retributione operum docuit, sic tempus seminationis et messis, id est operationis retributionis que discribit : ne quis inepta cogitatione tempus seminationis et messis confundens, aut tempore seminationis depositat futuræ messis effectum, aut tempore messis concedendum sibi speret bona seminationis initium ; ac sic iners operarius et ignavus pigrilæ vinculis irretitus, ino, quod est deterius, studio mortiferæ seminationis intentus, non gaudeat in messe, sed lugeat, dum cœperit sue seminationis condigna tunc metere, quando jam non poterit qualitatem mali seminis immutare. Est præterea diligentius attendendum tria quidem nobis in hoc loco apostolicæ doctrine sermonis ostendi : hoc est, ut bonum faciamus, et ut non deficiamus, quia tempore suo metemus non deficientes. Horum trium duo in præcepto sunt operis, tertium in promissione mercedis. Duobus labor operariis indicitur, tertio spe futuræ messis laborantium animus sublevatur. Assolet enim qui certam sperat pro sui laboris qualitate mercedem, sumere magis ex labore virtutem. Bonæ igitur operationi Apostolus perseverantiam jungit, ut non deficiat in semine quisquis in messe delectetur sine fine gaudere. Proinde secundum dictum beati Apostoli ille necesse est ad 391 futuræ messis gaudium perveniat, qui præsenti tempore in bona operationis semine perseverat. Cæterum multum seipsum seducit, sive qui nulla mittens usque in finem præsentis vite semina operum honorum, putat bona quandoque messurum ; seu qui depravatus caret perseverantia bona operationis, et latitiam sperat in

retributione mercedis : cum beatus Apostolus hoc unumquemque recepturum testetur in messe quod perseveranter premitit in semine. Talis namque est ille peritissimus ventilator (*Math.* iii, 12) qui permundabit aream suam, ut in discretione tritici atque palearum nulla subreptione fallatur ; nec in horreum mittit paleas ignibus dandas, nec tradit flammis frumenta quae sunt horreo deputanda. Futuræ quippe messis tempore boni seminatores, illi scilicet qui hunc perseveranter seminantes in lacrymis in gaudio metent, quique nunc eunt flent mittentes semina sua, tunc autem venientes venient in exultatione portantes manipulos suos (*Psal.* cxxv, 5, 6). Sicut ille privabitur gaudio consortioque messorum qui, licet aliquando bona seminaverit, perseverantiam tamen bona seminandi non tenuit : sic etiam ille nec indulgentiae nec latitiae poterit participatione gaudere, quem seminatori nocturno, id est diabolo, in tantum famulari favereque delectat, ut usque in mortem non quiescat illa seminare quae angelorum mententium discretione collecta et in fasciculos colligata, Domini judicio, sine commutabili præcepto, inexstinguibili deputentur incendio (*Math.* xiii, 25) : quia et subsequentis vitio iniquitatis præteritus justi frustratur omnis labor bonus, et iniquitatis meritum permanet, cuius labor est omnis malus. Dicit enim Apostolus : *Quia unusquisque propriam mercedem accipiet, secundum suum laborem* (*I Cor.* iii, 8). Illum scilicet in quo unusquisque invenitur, quando de præsenti saeculo transire precipitur. Proinde sicut Apostolus monet : *Dum tempus habemus, operemur bonum ad omnes, maxime autem ad domesticos fidei* (*Galat.* vi, 10).

CAPUT IX.

Nam et in Epistola quæ ad Hebræos scripta est, non solum conversio in præsenti tempore significatur necessaria, verum etiam præcipitur usque in finem perseverantia retinenda. Ait enim : *Vide te, fratres, ne forte sit in aliquo vestrum cor malum incredulitatis discedendi a Deo viro, sed hortamini vosmetipsos per singulos dies, donec hodie cognominatur, ut non obduretur quis ex robis fallacia peccati. Participes enim Christi effecti sumus, si tamen initium substantiae usque ad finem firmum retineamus* (*Hebr.* iii, 12 et seq.). Quis autem non ipsius exemplo terreatur Apostoli, ut a malis operibus discedens, in pœnitentia et conversione (al. conversatione) currat ad Deum, et sollicitus caveat ne tenore perseverantiae derelicto, reprobis fiat ? Considerandum namque est cunctis fidelibus qua sollicitudine ipse beatus Paulus cucurrit, qua vigilans pugnaverit, quia severitate corpus suum castigaverit. Ait ergo : *Ego igitur sic curro, non quasi in incertum; sic pugno, non quasi aerem verberans: sed castigo corpus meum, et in servitatem redigo; ne forte cum aliis prædicaverim, ipse reprobis efficiar* (*I Cor.* ix, 26, 27). Hæc autem dicebat, sciens per 392 Ezechielem divinitus dictum : *In eo cum converterit se justus a sua justitia, et faciat delictum, et morietur; in suo delicto quod fecit, in ipso*

moriatur (*Ezech.* xviii, 24). Frustra igitur sibi peccatorum remissionem vanis cogitationibus somniat, quisquis non usque in finem præsentis vite in mandatis Domini perseverat, vel quisquis ante finem vite præsentis non discedit ab itineribus pessimis. Oportet enim ut omnis justus cum timore et tremore suam salutem operetur (*Philip.* ii, 12); et omnis ini quis desinat exhibere membra sua arma iniquitatis peccato; sed exhibeat semetipsum tanquam ex mortuis viventem, et membra sua arma justitiae Deo (*Rom.* vi, 13), ac desinat talia operari, quorum stipendum mors est, dicente Paulo apostolo : *Stipendum enim peccati mors* (*Ibid.*, 23). Hæc mors, etiam futura ira Dei dicitur, quæ inquis et in malo perseverantibus inferetur. Unde et Joannes Baptista Pharisæos Sadduceosque sic increpat, ut etiam Christianos male viventes sua increpatione perstringat. Dicit namque : *Genimina viperarum, quis vobis demonstravit fugere ab ira futura? Facite ergo fructus dignos pœnitentiae* (al. pœnitentia) : et ne velitis dicere : *P'atrem habemus Abraham. Dico enim vobis quia potens est Deus de lapidibus istis suscitare filios Abraham. Jam enim securis ad radices arborum posita est. Omnis arbor quæ non facit fructum bonum excidetur et in ignem mittetur* (*Luc.* iii, 7 et seq.). Ista cum Præcursor dominicus diceret, procul dubio inquis dicebat et malis, quos etiam propter imitationem serpentium, hoc est diabolici operis, *Viperarum genimina* nuncupabat. Quibus tamen ostendit quid in hoc saeculo sacerent, quid etiam in futuro judicio formidarent. Præcipiens enim ut facerent fructus dignos pœnitentiae, ostendit hic mutari posse homines, et a supplicii merito ad meritum regni, pœnitentis animi conversione transire. Adjungens autem, quia *omnis arbor quæ non facit fructum bonum excidetur et in ignem mittetur*, tempus prænuntiavit futuri judicii, quo malis usque in finem criminosa ducentibus vitam, sicut infructuosis arboribus, non remissio peccatorum misericorditer donabitur, sed æterna combustio juste reddetur. Ideo quoque Salvatorem nostrum prædictit ad discretionem tritici palearumque venturum : *qui habens ventilabrum in manu sua, permundabit aream suam, et congregabit triticum suum in horreum, paleas autem comburet igni inexstinguibili* (*Ibid.*, 17). Informat omnem præterea Christianum tenore evangelicæ lectionis, ut discretione habita consideret quid in primo Salvatoris adventu fuerit unicuique piissima largitate donatum, quid etiam singulis exspectetur in secundo, justa retributione reddendum.

CAPUT X.

Ipse enim noster Salvator et judex, qui nunc venit ut salvet, tunc est autem venturus ut judicet; qui nunc venit ut bonos ex malis pia remissione faciat, tunc autem venturus est ut malos a bonis justa examinatione discernat. Primi adventus sui demonstrat beneficium dicens : *Venit enim Filius hominis querere et salvum facere quod pericrat* (*Luc.* xix, 10). 393 Seundi vero adventus metuendani sic intimat æquita-

tem : *Veniet Filius hominis, et tunc reddet unicuique secundum opera sua (Math. xvi, 27)*. Primi adventus misericordiam rursus ostendens ait : *Sic enim Deus dilexit mundum, ut Filium suum unigenitum daret : nō omnis qui credit in eum non pereat, sed habeat vitam æternam. Non enim misit Deus Filium suum in mundum ut judiceret mundum, sed ut salvetur mundus per ipsum (Joan. xiii, 6)*. Secundi vero adventus judicium sic pronuntians, dicit : *Multa habeo de vobis loqui et judicare (Ibid., viii, 26)*. Et alio loco : *Sermo quem locutus sum vobis, ipse judicabit vos (Ibid., xii, 48)*. Et alio loco : *Sicut audio judico, et judicium meum verum est (Ibid., v, 30)*. Rursus beneficium primi adventus sui, quo nullum inveniens vivum gratis suscitat mortuos, quos utique facit ex impiis justos, talibus intimat verbis : *Amen, amen dico vobis, quia venit hora, et nunc est, quando mortui audient vocem Filii Dei, et qui audierint vivent (Ibid. v, 25)*. Secundi vero adventus examen, quo judicaturus est vivos et mortuos subsequenter prænuntiat, dicens : *Amen, amen dico vobis, quia veniet hora, quando omnes qui in monumentis sunt audient vocem ejus : et procedent qui bona fecerunt, in resurrectionem vitæ; qui autem mala egerunt, in resurrectionem judicii (Ibid., 28, 29)*. Præsentis itaque vocis ejus auditus donat vitam mortuis, cum fidei gratiam largitur incredulis, et quos malos invenit, bonos facit ; præsentis autem vocis ejus auditus impios pie justificat, peccatores misericorditer salvat, cœcos clementer illuminat. Secundæ autem vocis ejus auditus, sicut justis coronam justitiae reddet, sic iniquis poenam pro iniquitate retribuet. In primæ vocis ejus auditu, prævenit peccantes misericordia redimentis ; in secundæ vocis auditu, subsequetur operantibus * retributio judicantis. Hic omnibus dicitur : *Venite ad me omnes qui laboratis et onerati estis, et ego vos reficiam (Math. xi, 28)*. Illic autem dextris tantum dicetur : *Venite, benedicti Patris mei, percipite regnum (Math. xxv, 34)*; sinistris vero dicetur : *Ite, maledicti, in ignem æternum (Ibid., 41)*. Ubi est meritorum tanta certissima cognitio pastoralis, qua segregabuntur oves ab hædis, ut ita nullus hædus ponatur ad dexteram, sicut ovis nulla colloquabitur ad sinistram. Illa quippe merita cum quibus homines ex hac vita discedunt, ipsa cum eis in illa vita indesinenter atque incommutabiliter permanebunt, sive bona quæ hic divina pietas contulit, seu mala quæ hic humana iniquitas comparavit. Ac per hoc nulla ibi erit remotio malorum, quamvis futura sit honorum promotio meritorum. Illa enim manebunt in poena, ista persicentur in gloria. Istud est tempus quo Deus, sicut in psalmo scriptum est : *Non secundum peccata nostra fecit nobis, neque secundum iniquitates nostras retribuit nobis. Quoniam secundum altitudinem cœli a terra, confirmavit Dominus misericordiam suam super timentes eum. Quoniam sicut distat ortus ab occasu, elongavit iniquitates nostras a nobis (Psalm. cii, 10, 11, 12)*. In illo autem judicio coronam justitiae reddet justus judex, sicut Apo-

A stolus ait, his qui diligunt adventum ejus (*II. Tim. iv, 9*) ; operantibus autem iniquitatem, sicut psalmus (xvii, 4) ostendit, dabit **394** secundum opera eorum, et secundum nequitiam studiorum ipsorum, et secundum opera manuum eorum tribuet illis, reddet retributionem, eorum ipsis : ea scilicet causa, quia qualis unusquisque de hac vita egreditur, talis future vita sine dubitatione reddetur ; nec de corruptione in incorruptionem in illo justo mutabitur judicio, qui ab iniquitate ad justitiam, et a mala vita ad bonam vitam non prius in hoc seculo fuerit immutatus.

CAPUT XI.

Propterea Paulus dicit : *Omnes quidem resurgent, sed non omnes immutabimur (I Cor. xv, 51)*. Quod cum beatus dixisset Apostolus, ne sensus sermonis ejus apud aliquos penderet incertus, scivit subsequenter fidelibus ostendendum, quosnam future resurrectionis temporè dixerit immutandos. Profecto enim si dixisset : Omnes resurgent, sed non immutabimur, nullius immutatio futura crederetur. Et iterum si dixisset : Omnes resurgent, et immutabimur ; sicut omnes creduntur resurrecti, omnes etiam crederentur similiter immutandi. At cum omnium futuram resurrectionem prædicterit, nec tamen omnes asseveraverit immutandos, admonuit nos sollecite scrutari quinam sint in resurrectione futuri examinis immutandi. Hoc autem nolens : relinquere beatus Paulus ambiguum, ne licentius iniqui deliquerent, si commune sibi cum justis munus futuri mutationis audissent, sequenti sermone curavit ostendere illius mutationis donum : *In momento, in ictu oculi, in novissima tuba : canet enim tuba, et mortui resurgent incorrupti : et nos immutabimur (Ib., 52)*. Cum dicit, nos, ostendit illos secum future mutationis potituros dono, quos in hoc tempore cum Paulo sociisque ejus tenet ecclesiastica recteque vivendi communio. Ipsius vero mutationis insinuans qualitatem dicit : *Oportet enim corruptibile hoc induere incorruptionem, et mortale hoc induere immortalitatem (Ibid., 53)*. Ut ergo in talibus tunc sequatur mutatio justæ retributionis, nunc præcedit mutatio gratuitæ largitatis. Quam mutationem beatus propheta David ostendens, ait : *Dixi, nunc coepi : haec mutatio dexteræ Excelsi (Psalm. lxxvi, 41)*.

CAPUT XII.

D His ergo qui in præsenti vita de malo in bonum fuerint immutati future mutationis retributio promittitur : qua fieri ut quisquis hic ad meliora convergens mutaverit vitam, in illa quoque mutatus retributione, donum potiatur æqualitatis angelicæ ; quam ipse Salvator, qui fidelis est in verbis suis, et sanctus in omnibus operibus suis (*Psalm. cxliv, 13*), non iniquis aut impiis, sed solis promittit bene viventibus ac justis. Quia nec justi sunt qui bene non vivunt, nec injuste puniuntur, qui Deum diligentes b mandata ejus contemnunt, quem **395** illi diligunt, qui ejus mandata custodiunt : sicut ipse Dominus dicit : *Qui diligit me, mandata mea custodit (Joan. xiv, 23)*

* In ms. legebatur olim *operantes*. Quæ vox alia manu fuit mutata.

^b *Fo:te non diligente.*

Deum igitur, qui nec injuste diligi, nec juste potest aliquando contemni, illi vere diligunt qui ejus præceptis obediunt. Iste sunt qui secundum sermonem Domini (*Matth. xxii, 30*) mutabuntur, et æquales angelis Dei, incorruptibles scilicet atque immortales munere illius mutationis effecti, quorum noua anima sola mutabitur in melius, ut jam peccare non possit, sed etiam caro quam corruptibilem atque mortalem habuerit, sic in resurrectione mutabitur, ut ipsa quidem sit quæ nunc est, sed neque corruptibilis, neque mortalis possit esse, quod nunc est. Ac per hoc, caro et iniquorum et justorum, quæ nunc moritur, ipsa est resurrectura. Resurget autem iniquorum in æternio dolore, justorum vero in æterna felicitate mansura. Et sicut illa resurget ad cruciatum, sic ista resurget ad gaudium. Illa ob hoc animabitur, ut in æterna morte cum anima torqueatur; ad hoc ista vivet, ut cum anima perennis vita beatitudine fruatur. Justorum ergo corpus, secundum Apostoli prædicationem: *Seminatur in corruptione, surget in incorruptionem*; *seminatur in ignobilitate, surget in gloria; seminatur in infirmitate, surget in virtute; seminatur corpus animale, surget corpus spiritale* (*I Cor. xv, 42 et seq.*). Hoc ergo in eis agitur per gratiam, ut primum hic in eis per justificationem, in qua spiritualiter resurgitur, mutatio divini munieris inchoetur, et postmodum in corporis resurrectione, qua justificatorum immutatio perficitur, in æternum manens perfecta glorificatione non mutetur. Ad hoc enim illos primum gratia justificationis, deinde glorificationis mutat, ut in eis ipsa glorificatione incommutabilis æternaque permaneat. C Mutantur hic enim per primam resurrectionem, qua illuminantur ut convertantur; qua scilicet transeunt de morte ad vitam, de iniquitate ad justitiam, de infidelitate ad fidem, de malis actibus ad sanctam conversationem. Ideo in illis secunda mors non habet potestatem. De talibus in Apocalypsi dicitur: *Beatus et sanctus b qui habet partem in resurrectione prima: in his secunda mors non habet potestatem* (*Apoc. xi, 6*). In eodem rursus libro dicitur: *Qui ricerit, a morte secunda non laedetur* (*Apoc. ii, 11*). Sicut ergo in conversione cordis prima consistit resurrecio, sic mors secunda in suppicio sempiterno. Festinet itaque hic primæ resurrectionis particeps fieri, omnis qui non vult secundæ mortis æterna punitione damnari. Si qui enim in presenti vita timore divino mutati, transeunt a vita mala ad vitam bonam, ipsi transeunt de morte ad vitam, qui etiam postmodum de ignobilitate hunc in gloriam.

CAPUT XIII.

Cæterum miserorum atque infelium, qui de malo ad bonum negligunt istius vitæ tempore commutari, acut David sanctissimus contumaciam culpat; sic futuram poenam divinæ retributionis **396** prænuntiat dicens: *Non enim illis est commutatio, et non timuerunt Deum* (*Psalm. liv, 20*). Ac ne sibi qui commutari noluerint, frustra promittant peccatorum

^a Ms. et Ant., in incorruptionem.

^b Ms. omittit et sanctus. Ant. habet *beatus sanctus*.

A indulgentiam, transacto hujus vitæ limine conferendam, secutus adjunxit: *Extendit manum suam in retribuendo* (*Ibidem*). Ilujus retributionis initium est cum iniquus, mercedem quam oportuit erroris sui in semetipso recipiens, justo judicio in suis iniquitatibus igne torquebitur sempiterno. Neque etiam ista parva putanda est retributio, qua iniquus justitia luce privatus in suis tenebris errare permittitur, prejudicatus non carne, sed cæxitate cordis: ubi etiam illud ad cumulum retributionis pertinet, si cæcus lumen non solum non queat recipere, verum etiam cum delectatione studeat tenebras suæ cæxitatis augere. Talibus dicit Dominus in Psalmis: *Et non audivit populus meus vocem meam, et Israel non intendit mihi; et dimisi illos secundum desideria cordis eorum, et ibunt in voluptatibus suis* (*Psalm. lxxx, 12, 13*). De talibus etiam Doctor gentium dicit: *Propterea tradidit illos Deus c in passiones ignominiae* (*Rom. i, 26*). Et rursus: *Propterea tradidit illos Deus in reprobum sensum, ut faciant quæ non convenientia* (*Ibid., 28*). Traduntur ergo tales primum desiderii suis injustis, tradendi postmodum suppliciis justis. Traduntur hic convenientibus factis, tradendi postmodum convenientibus poenis. Neque enim quia delectabiliter peccat malus, ideo æstimandus est a tormento retributionis extraneus: quandoquidem graviter ipsa delectatione peccandi jam punitur, qui tali delectationi consensione subjicitur, ex qua meritum punitionis augetur. Ubi quanto magis perficitur quod injuste delectat, tanto magis recepturus est injustus quo amplius doleat. Si quis ergo hic noluerit ad Deum converti et a mala vita ad bona vitæ studia commutari, nec illic immutabitur, ubi feliciter mutatis justis immortalitas et incorruptionis confertur. Proinde iniqui vel impii, hoc est vel qui perverse credunt, sive qui nequier vivunt, nec ante præsentis vitæ finem a sua infidelitate sive iniquitate discedunt, in futura retributione, nec immortales nec incorruptibles erunt; sed corruptentur, nec consumerunt; morientur, nec extinguentur. Permanebit enim cruciamentorum pereundi sensus in mortuis, ubi miseris mori non conceditur in poenis. Ibi mors miserorum talis erit, quæ non animam de corpore dolentis excludat, sed in dolenti corpore ad hoc jugiter teneat, ut animam simul et corpus æternitate doloris affligat. Ac per hoc semper cum corpore suo morietur anima; cum quo sine fine cogetur æterna communicare tormenta. Ibi mors animæ corporisque non moritur, quia cruciatus corporis et animæ non finitur. Haec quippe erit æterna mors iniquorum, ut in igne non moriantur æterni, ne quandoque possint carere suppicio. Nec ibi ardenti corpori aliiquid deminatur, quamvis infelix anima in suo corpore jugiter exuratur; sed ut totum corpus ardere non desinat, totum cum anima jugiter in incendio perseverat. In quo enim corpore anima justæ vixerit, aut inique, in ipso recipiet æternam poenam, aut sine fine letitiam.

^c Quæ hic aberant ab editis supplivimus ex ms.

397 CAPUT XIV.

Expedit igitur unicuique, priusquam presentem finiat vitam, futuri supplicii timore converti, si vere non vult post hujus vitae fine sine fine torqueri. Quapropter inaniter in conspectu Dei malorum hominum permanens iniqitas remittenda creditur; in cuius conspectu inulta esse honorum operum sterilitas non sinetur. Neque enim dicitur quisquam positus ad sinistram idcirco iturus in ignem aeternum, quia panem comedenti abstulit, sed quia esurienti non dedit; nec quia vestitum expoliavit, sed quia vestimenta non tribuit; nec quia de domo propria quemquam pepulit, sed quia unum ex Christi minimis hospitio non recepit. Si ergo ibit in combustionem aeternam qui panem suum esurienti non dedit, quid recipiet qui alienum abstulit panem? Et si mittetur in stagnum ignis et sulphuris qui nudum vestimento non tegit, quid passurus est qui vestimento crudelis expoliat? Et si rerum suarum avarus possessor requiem non habebit, quomodo alienarum rerum insatiabilis raptor, si in hac vita converti noluerit, postmodum sibi de judice justo indulgentiam frustra promittit? Consideremus divitem miserum purpura quondam byssoque vestitum, non ob aliud inexstinguilibus flammis ardenter, nisi quia Lazarus pauperi continua esurie laboranti nunquam voluit saltem micas convivii sui mortisera praeditus iniqitate largiri. Qui cum interminabili cruciamento damnatus, etiam digitii pauperis in aeterna requie hantantis refrigerio remaneret indignus, evidenti responsione Abraham patriarcha monstravit post hanc vitam, nec bonos posse ad iniquos aliquatenus transmeare, nec malos a poenis ad beatorum requiem posse quandoque transire. Sic enim dicit: *Fili, recordare quia recepisti bona in vita tua, et Lazarus similiter mala. Nunc autem hic consolatur, tu vero cruciaris. Et in his omnibus inter nos et te chaos magnum firmatum est, ut hinc qui volunt transire ad te, non possint, neque huc inde transire* (Luc. xvi, 25, 26).

CAPUT XV.

Proinde bonum nobis est ut nunc operemur bonum, dum tempus est operis; et ut simus in messe ditissimi, nec segnes debemus remanere, nec steriles. Bonum est unicuique ut nunc vulneribus suis adhibeat conversionis ac poenitentiae remedium, dum conversus remissionem potest accipere peccatorum: quoniam futuri temporis poenitentia talis erit, ut indulgentiam mereri non possit. Neque vero tunc illi acturi sunt poenitentiam, quos Deus praedestinavit ad vitam. Ipsorum enim in praesenti tempore, secundum Apostoli dictum, quae secundum Deum est tristitia, stabilem salutem operatur (II Cor. vii, 10), ut in hoc tempore poenitentibus atque conversis, in futuro stabilis salus ac sempiterna reddatur. Ilorum autem

^a Desunt hic quedam verba; forte haec, *fructuosa est*; sed illa tantum ubi, etc., aut non dissimilia.

^b Legendum quod ore, aut certe locus manus est et imperfectus,

A poenitentia non desinit in futuro, qui poenitentiam in presenti vita non egerunt. Talis poenitentia non erit **398** ex largitate Dei, sed cruciacione supplicii. In tali poenitentia luctus aeternus erit, quia fructus ibi poenitentiae nullus erit. Non enim ibi mala voluntas ad bonum convertetur poenitendo; quando ad hoc tantummodo poenitentiam habebit iniquus in poena, ut nec poenitentia aliquando possit carere, nec poena. At sic illa voluntas quae hic iniquum usque in finem tenuit obduratum, ad hoc sine fine poenitentiam habebit de sceleribus suis, ut nec possit ultra converti, nec aeternitate valeat carere supplicii. Neque enim omnis poenitentia, ^a ubi peccator gratia miserantis Dei praeventus sic poenitendo peccata sua pronuntiat, ut per conversionem gratiam remissionis inquirat. Ceterum sic est quem poenitet pro malis quae fecit, nec tamen ad Deum conversione mutatus accurrit, quomodo si quis in vulnere positus graviter doleat, et beneficium medici non requirat. Pronuntiat quidem dolorem quem patitur, sed non consequitur remedium quo sanetur. Propterea non omnis qui constiterit peccatum remissionem accipit, quia Deus noster non tantum attendit quod corde ^b gestamus. De ipso enim psalmus dicit: *Scrutans corda et renes Deus (Psal. vii, 10). Dicit etiam Salvator: Quid autem dicitis mihi, Domine, Domine, et non facitis quae dico (Luc. vi, 46)*? Inde est quod in Scripturis divinis quosdam legimus aequaliter peccata sermone ^c consecutos. Rex enim Saul ad praedandum Amalech a Deo directus (I Reg. xv, 3), peccatum incurrit quia praeceptum Domini minime custodivit. Ad quem increpandum cum propheta Samuel advenisset, ille perterritus peccatum suum confessus est, nec tamen est indulgentiam consecutus: *quia cor ejus non erat rectum coram Deo* (Ibid., 24). Illa enim peccati confessio ex timore fuit supplicii, non ex horrore peccati. Non odivit quod fecerat, sed timuit quod nolebat; nec culpam suam conversatione (*forte conversione*) culpavit, sed ad praesens divini furoris percussus terrore contremuit. David quoque rex carnalis concupiscentiae devictus illecebra (II Reg. xi, 4), non solum militis sui adulteravi uxorem, sed ipsum quoque maritum peremit insontem, nec solum nullius ^d criminis sui reum, quin etiam conculcatae uxoris ignarum. Ad quem tamen cum Nathan propheta destinaretur a Domino, ille prophetica increpatione perterritus exclamavit: *Peccavi* (Ibid., xii, 13). Cui sic propheta respondit: *Et Deus abstulit peccatum tuum, et non morieris* (I Reg. xv, 30). Ecce Saul dixit: *Peccari*. David quoque dixit: *Peccari*. Cum ergo in confessione peccati utriusque una vox fuerit, cur non una est utriusque concessa remissio? nisi quia in similitudine confessionis videbat Deus dissimilitudinem voluntatis; nec sonum sermonis attendit, sed intentiōnem cordis in utroque discrevit. Unus enim conversus peccandi protinus abjecit desiderium, et poeni-

^c Ms. addit hanc vocem sermone. Sed non videtur plenus sensus nisi suppleatur et indulgentium aut quid simile, ut patet ex subsequentibus.

^d Ms. et editi, nonnullius, sed errore manifesto.

tendo ipse suum punivit admissum ; alter vero confessionem quidem peccati sui verbo protulit, sed affectum peccandi perversi cordis obstrictus vitio non abjecit.

39) CAPUT XVI.

Tunc ergo prodest peccati confessio, si confessus peccator quod male fecerat, ultra non faciat, et bonorum studiorum operum præteriorum criminum merita superare contendat ; ut secundum Apostoli dictum, ubi abundavit peccatum, superabundet gratia (*Rom. v, 21*). Nonnulli præterea virtutem pœnitentiae ne-scientes, non ad hoc pœnitentiam gerunt, ut sperantes opem divinæ misericordiæ convertantur ; inio pœnitendo deterius peccant, cum de peccatorum remissione desperant. Talis fuit pœnitentia Judæ traditoris (*Math. xxvii, 3*), que pœnitentia non acquisivit salutem, sed procuravit desperanti perniciem. Denique deteriore semetipsum vinculo iniquitatis obstrinxit, cum se occidit nocentem, quam tum cum Christum tradidit innocentem. Peccatum enim traditionis Christi poterat Judæ, si vivens converteretur, dimiti ; occisio vero sua nullatenus relaxatur exstincto. Post traditionem igitur Christi habuit traditor tempus quo per illum sanguinem qui effusus est in remissionem peccatorum, ipsius quoque Judæ possit remitti peccatum : quoniam Christus, qui pro impiis mortuus est, non denegasset suo traditori remissionis beneficium, si non ille sibi desperando adimeret tempus remissioni concessum. Non ergo recte pœnitentiam gessit, nec justum vindicem se sui sceleris pertulit. Auxit quippe, non abstulit supplicium meriti criminis sui ultior injustus, qui occisor suo tempus conversionis ademit occisus. Ac per hoc quia ipse se occidit, ipse sibi utique tempus conversionis se occidendo subtraxit. Miserrimus Judas, qui cum male crimen traditionis admirerit, pejus illius criminis pœnititudinem gessit, quia penitus indulgentiam non quæsivit : ac sic illa gravis culpa pœnitentia deterior est inventa quam culpa. Illud etenim dominice traditionis peccatum habuit posterior tempus quo possit ablui ; illum vero punit sententia, que non conversionem habuit, sed desperationem. Ideo pœnitentem non adjuvit, sed peremit : quia sibi conversionis tempus oceisione abstulit, et indulgentiam desperatione subtraxit.

CAPUT XVII.

Tantum igitur valet opportunitas concessi temporis ad indulgentiam peccatorum ! Et cum multo gravius sit Christum tradidisse quam quemlibet hominem occidisse, occisores tamen Christi, quicunque sunt in praesenti vita toto corde conversi, remissionem peccatorum ipsius Christi sunt sanguine consecuti ; quisquis autem, non dico hereticus seu paganus, de quibus nulla est dubitatio quod igne punientur æternō, quo etiam Christianus catholicus, si homicidium admittat, aut adulterium faciat, alienave diripiatur, vel si juramentum perjurio violet, aut falsum testimonium dicere non dubitet, nec ante praesentis vita finem convertatur, cum multo minus videatur pec-

A casse, 400 quam ille qui occidit Christum : tamen occisor Christi, si convertatur in praesenti vita, salvabitur ; ille autem pro eo quod in praesenti vita non convertitur, post hujus vita finem tormentis depubatur quæ non habent finem. Hoc autem sit, non quia iste plus peccavit quam ille impius qui Christum occidit, sed ideo ille consequetur vitam æternam, quia omnipotentiam boni medici recognoscens, congruo tempore ad remedium, sanitatis advenit ; ille autem propterea morte condemnatur æterna, quia desperans benevolentiam : atque ita cum ejus peccatum comparatum occisioni Christi levius crimen pronuntietur, ipse tamen in eodem leviore crimino multo deterius invenitur : quia licet non occiderit Christum, in eo tamen deterius peccavit quam si Christum occidisset, in quo tempus neglexit congruum quod est remissione peccatorum divina longanimitate concessum. Ita cognoscitur nec remissio pœnitentia dari, si pœnitentia in hoc tempore non agatur ; nec in hoc tempore pœnitentiam prodesse, si peccatorum remissio desperatur : in futuro vero nullam malis conversionem futuram, et talium pœnitentiam continuam fore, sed vacuam. Sicut enim eis nunquam remissio dabatur, sic eorum nunquam pœnitentia finitur. Negligunt enim tempus in quo pœnitentia salubriter a peccatoribus agitur, et in quo peccatorum remissioni pietas divina sargitur. Propter quod et ipse Dominus in Apocalypsi Joannis fideles suos consolans, et inquis penam future punitionis intentans, ita loquitur : *Qui nocet, noceat adhuc ; et qui in sordibus est, sordescat adhuc : justus autem adhuc justiora faciat, et sanctus sanctiora. Ecce venio cito, et merces mea mecum est, reddere unicuique secundum facta sua. Ego sum alpha et omega, primus et novissimus, initium et finis. Beati qui laverunt stolas suas, ut sit potestas eorum in ligno vitae, et per portas intrent in civitatem sanctam : foris autem remanebunt canes, malefici, fornicarii, et homicidae, et servientes idolis, et omnis qui amat et facit mendacium (Apoc. xxi, 11 et seq.).* Quis, rogo, tam duræ possit cervicis esse, aut quis ita circumcisus corde reperiatur et auribus, qui verbis istis non terreatur, non prosternatur, non convertatur ? Quis non fleat ? Quis non intumis visceribus intremiscat ? Quis non timore illius justi judicij ad conversionem tremefactus accurrat, ut remissionem peccatorum et gratiam perpetuae salutis inveniat ? Væ illi qui ante tempus novissimi ventilabri non festinaverit ex palea triticum fieri ! Væ illi qui, antequam veniant messores angelii de medio frumentorum comburenda zizania collecturi (*Math. xiii, 39*), non curaverit ex zizaniis in frumenta converti ! Neque enim scripturæ benigna debet contemni menitio, que nobis et celeritatem conversionis salubriter imperat, et tardantibus iram futuram vindictæ divinæ commendat. Sic enim dicit : *Ne tardaveris converti ad Deum, et ne differas de die in diem, ne subito veniat ira ejus, et in tempore vindictæ disperdet te (Eccl. v, 8).*

401 CAPUT XVIII.

Ut autem plenius agnoscamus presentis tantum saeculi tempus humanae conversioni concessum, illos attendamus operarios quos Dominus vocavit ad vineam (*Math. xx, 6*). Quorum vocationem licet diversis horis egerit (*al. egerint*), hora tamen undecima, hoc est ante finem diei consummavit. In illis autem horis quibus vocati sunt operarii, cognoscuntur mundi bujus aetates, quibus Deus ad opus bonum vocavit quos ad se gratuita justificatione convertit. Accipitur enim mane hujus diei ab initio mundi usque ad diluvium; tertiae hora quippe vocatio fuit a diluvio usque ad Abraham; sextae hore vocatio, ab Abraham usque ad David; a David vero usque ad transmigrationem populi in Babyloniam, hora nona completa est; deinde hora undecima fuit in primo adventu Christi, quo venit humiliis in carne mortali, in qua pro peccato mundi dignatus est immortalis occidi. Haec est operariorum postrema vocatione, quae nunc agitur usque ad praesentis saeculi finem, id est ab adventu humilitatis ejus usque ad adventum celsitudinis; ab adventu quo bonus venit iudicandus a malis, ut misericorditer de malis saceret bonos, usque ad adventum quo juste iudicaturus est et malos et bonos; ab adventu piae remissionis, usque ad adventum justae retributionis; ab adventu quo ex usuris et iniuriantibus liberavit animas pauperum (*Psalm. lxxi, 14*), usque ad adventum quo veniam cum usuris exigere pecuniam suam, a quibus eam invenerit consumptam, aut nullo boni operis studio duplicatam (*Math. xxv, 27*). Haec est hora quam novissimam beatus Joannes appellat: *Pueruli, novissima hora est* (*I Joan. ii, 18*). Post hujus horae consummationem non ad vineam Dominus operarios vocat, sed veniet ut unicuique mercedem sui operis reddat, sicut ipse ait: *Ecce venio cito, et merces mea tecum est* (*Apoc. xxii, 12*). Ille sibi ergo speret divinae retributionis denarium tribuendum, qui antequam dies praesentis saeculi fuiatur, in dominica vinea laudabiliter operatur^a. Neque enim aliud est illa operatio, nisi cordis vera conversio: ille vero sicut oportet ad Deum convertitur in quo est, sicut Apostolus dicit, fides quae per caritatem operatur. Illa quoque horarum diversitas digne accipiatur, sicut superius posuimus, aetatum mundi distinctio. Non tamen incongrue possumus in hac horarum diversitate etiam uniuscuiusque hominis aetates accipere: ut mane sit hominis quoque finiatur infancia, deinde pueritia finis consummet tertiam, adolescentiae terminus peragat sextam, juventutis consummatio perficiat nonam, gravitatis cursus peragat undecimam, et deinceps senectus tendens ad terminum, totius diei consignet occasum. In quaunque igitur vita praesentis aetate omnis iniquus aut impius toto corde fuerit conversus ad Deum, statim praeteritorum omnium remissionem accipiet peccatorum.

A

402 CAPUT XIX.

Quisquis autem potest invenire in Evangelio aut docere, post finem diei quemlibet operarium vocatum ad vineam, digne speret et certissime praedicit cuilibet iniquo qui in praesenti saeculo conversus non fuerit, facultatem boni operis aut gratiam remissionis futuri saeculi tempore concedendam. Item quisquis ostenderit cuilibet ad operationem vineae dominice ante finem diei non vocato denarium jussu Domini datum, digne congrue speret cuilibet ante finem praesentis vitae non converso regnum celorum largitate Domini conferendum. Si vero illos quos diurni operis in vinea pius labor exercuit, ipsos tantum post finem diei denarii merces exceptit; nos quoque si ad denarium aeternae vitae pervenire volamus, in vinea Dominica praesenti tempore laboremus; nec contemnamus imperium vocantis, si nolumus a largitate remunerantis excludi. Qui enim ante finem diei non operatur in vinea, finito die non poterit denarium accipere: quia tunc non erit tempus, cum unusquisque ad operationem vineae misericorditer vocetur, sed quo merces praeterita operatione (*forte* praeterite operationi) reddatur. Non ergo ibi erit pia vocatione, sed justa redditio. Ille denarius nec otioso dabatur, nec ei qui extra vineam foris operatur. Otiosus est autem catholicus qui non vult bene operari: *Quia fides sine operibus, otiosa et mortua est in semetipsa* (*Jac. ii, 17*). Extra vineam vero ille operatur, qui constitutus in qualibet haeresi, bonorum quidem operum gerit studium, sed ipse sibi male credendo denegat salvationis effectum. Dicit enim beatus Paulus apostolus, *quia omne quod non est ex fide, peccatum est* (*Rom. xiv, 23*); et: *Sine fide impossibile est placere Deo* (*Hebr. xi, 6*). Uterque igitur sibi adimit denarium, uterque se ab operariorum consortio efficit alienum: iste quidem quia intra vineam dominicam constitutus noluit esse studio operationis attentus; ille vero quia foris operatus est quod ante finem diei intra vineam dominicam debuit operari. Ac per hoc ille, quia non est operatus unde salvari possit; ille autem, quia non ibi operatus est, ubi donum salutis acciperet; et idcirco finito die nec ille ad vineam intrare permittitur, et illi facultas bone operationis ausfertur; quia catholicus quidem malus in convivio Domini vestienti nuptiale non habuit (quod Paulus fidelibus intimat formidandum, dicens: *Si tamen vestiti, non nudi intreremus* (*II Cor. v, 3*)): haereticus vero ad ipsum convivium tempore acceptabili venire contempsit. Et ideo ille projicietur, et illi facultas ingrediendi non dabitur. Nunc itaque tempus ut palea mutetur in triticum; nunc tempus ut omnis iniquus festinet ex zizaniis triticum fieri, si non vult inextinguibilis ignis aeternitate comburi. Si quis enim praesentis temporis gratiam respuens, quo Dominus non ad judicandos, sed ad salvandos peccatores venire dignatus est, in suis crediderit iniquitatibus permane-

^a Quae sequuntur ad haec verba, *illa quoque*, habuimus ex mss. duobus. Absunt vero ab excusis.

nendum, nullam inveniet misericordiam in futuro A
judicio : quia nec tempore ventilationis paleam
frumento misceri ventilator ille permettit, nec tem-
pore reddendæ rationis **403** talenti potestatem pi-
gre, inutili famulo, severitas divina concedet ; sed
sicut paleas tunc inexstinguibilis ignis exuret, sic
nequam pigrumque servum tenebris exterioribus de-
putatum fletus et stridor dentium æternus excipit.
Qui il est enim aliud quod ille servus ligari manibus
jubetur et pedibus, nisi ut in manibus inali operis
reatus, in pedibus autem male voluntatis puniendus
ostendatur affectus ?

CAPUT XX.

Hujus opportunitatem temporis sanctus Isaias di-
vinitus informatus agnovit, qui nos ad conversionem
his verbis hortari non desinit : *Quærite Dominum
dum inveniri potest, invoke eum dum prope est.*
*Derelinquat impius viam suam, et vir iniquus cogita-
tionem suam ; et convertatur ad Dominum, et miserebitur
eius ; et ad Deum nostrum, quoniam multus est ad
ignoscendum* (*Isai. lv, 6, 7*). Nunc ergo Dominus
quærendus est, cum potest a quærentibus inventri.
Nunc invocandus, cum est proximus invocanti. Nunc
impietatis via, nunc est iniquitatis cogitatio relin-
quenda. Nunc est necessaria conversio peccatoris,
qua potest beneficio divinae remissionis reatu totius
carere peccati. Cæterum bona Dei non videbit in
terra viventium (*Psal. xxvi, 13*), si quis in hac terra
morientium remissionem non acceperit peccatorum.
Hoc enim ipse præordinavit hominum Salvator et
judex, ut quibus peccata dimittit, in hac terra dimittat.
Propter quod Judæis incredulis dicit : *Ut autem
sciatis quia potestatem habet Filius hominis in terra
dimittendi peccata* (*Math. ix, 6*). Quod non ideo dixit,
quia transeuntibus hominibus de hac terra, hujus
temporis peccata, si quibus vellet, relaxare non pos-
sit : sed ut homines agnoscerent tempus remissionis
et retributionis divina incommutabiliter constitutione
discretum, nec audire humana inaniter speraret va-
nitas quod divina promitteret (*forte non promitte-
ret*) veritas. Hinc est quod etiam beato Petro, hoc
est Ecclesie sue, in terra ligandi solvendique tribuit
potestatem : ut agnosceremus in tempore hujus vitaे
gratuitam tribui in peccatorum remissione miseri-
cordiam, in futuro autem justam cunctis mercedem
pro factorum qualitate reddendam ; nec ambigere-
mus nunc omnia posse peccata dimitti, et nunc que-
cunque non fuerint dimissa, tunc exigi. Quod etiam
beatus David sancti Spiritus revelatione cognoscens,
cui, sicut ipse testatur, incerta et occulta sapientiae
sue manifestaverat Dominus (*Psal. l, 8*), priusquam
de hoc sæculo eat (*al. exeat*) remissionem postulat
peccatorum, dicens : *Remitte mihi ut refrigererer,
priusquam eam, et amplius non ero* (*Psal. xxxviii, 14*).
Beatus utique propheta non tam sollicite postularet
ante vitaे præsentis terminum remissionem sibi tribui
peccatorum, si sciret post hanc vitam vel cuiquam
profuturam pœnitentiam, vel remissionem peccato-
rum tunc pœnitentiam agentibus divino munere con-
cedendam.

404 CAPUT XI.

Evidem post hanc vitam, licet pœnitentia futura
sit iniquorum, non illis tamen peccatorum remissio
dabitur, sed ipsa quoque pœnitentia punitionis ge-
nerabit augmenta. Valebit enim ad cumulum crucia-
tionis æternæ ; ubi duritia perversi cordis, quæ ante
finem præsentis vitaे non fuerit salubri confessione
abolita, cum flammis ultricibus sine fine graviter
uretur, sua gravius pœnitudine punietur. Quid enim
deterius quam sic de præterito jugi pœnitentia con-
teri, ut nunquam possit pœnitens a tormento com-
missi criminis liberari ? Neque enim hoc in homine
præsentem vitam in suis malis operibus finiente con-
siderabitur, ut quia finita videbuntur ejus opera
mala, finiantur ejus quandoque tormenta : sed atten-
detur in eo iniquæ voluntatis perversitas, quam usque
in finem præsentis vitaे diligit et tenet iniquus, licet
ipsam vitam, quam pessime gerit, amittat invitus.
Qui dum malam voluntatem ante finem præsentis vitaे
mutare non curat, ostendit proculdubio sic se iniqui-
tates suas diligere, ut si posset hic sine fine vivere, sine
fine vellet in iniquitatibus permanere. Non ergo prop-
terea cuilibet iniquo parcetur, quia jam desideria malæ
voluntatis implere non poterit ; sed ideo sine fine
torquebitur, quia quandiu hic peccare potuit, peccare
non destitit. Et ob hoc nullus dabitur iniquo terminus
punitionis, quia priusquam terminaret hujus vitaे
cursum, non posuit criminibus suis terminum.
Quamvis enim vitam suam malam quantum vellet
prolongare non posset quisquis hic noluit converti
dum viveret, eamdem, tamen si vellet, mutare posset
in melius, priusquam malam vitam finiret invitus, in
malis gehennæ sine fine mansurus. Ut hac ergo in
combustione æterna crucientur qui præsentem vitam
in malis moribus et operibus finiunt, ad justitiam per-
tinet justi Judicis reddentis unicuique secundum
opera sua. Cujus utique non est injusta redditio,
qua sit ut iniqui nunquam careant supplicio, quorum
voluntas in hac vita noluit carere peccato. Tales
enim magis delectantur peccare quam vivere ; nec
ob hoc peccant, ut semper vivant, sed ideo hic sem-
per vivere cupiunt, ut nunquam desinant peccare dum
vivunt. Nemo autem securus præsentem vitam ter-
minat, nisi priusquam vitam finiat, ab iniquitate
discidat ; ne tunc inaniter sua velit deflere scelera,
D quando nullatenus poterit vitare tormenta. Non ergo
inaniter in præsenti sæculo pœnitentia universis indi-
citur, neque frustra in hac vita conversio prædicatur.
Hic enim pœnitentia remissionis inventit fructum, si
peccator, dum hic vivit, peccandi deponat affectum.
Præsentis namque sæculi tempus misericors Domi-
nus et justus solum remissionis beneficio deputavit :
futurum vero justæ retributioni servat, quo unus-
quisque pro qualitate credulitatis et operis condigna,
sed non finienda recipiat.

405 CAPUT XII.

Proinde nunc omnis iniquus intra Ecclesiam posi-
tus malam conversationem respuat, et bonæ vitaे
cursum festinet arripere, ut ad æternam vitam valeat
pervenire. Nunc omnis impius prayam fidei senten-

tiam deponat, et ad Ecclesiam venire non differat. Nunc sibi omnis homo dextræ partis comparet meritum, si non vult sinistre partis perferre tormentum. Nunc ambulet justitiae viam, ut ad patriam veniat, in qua requiem habeat sempiternam. Nunc omnis qui Deum malis operibus exacerbat, transeat ad vitam bonam, per quam propitius Deus acquiritur, ut accipiat vitam æternam, quam Deus bonis sine fine largitur. Nemo desperet misericordiam Dei, considerans atrocitatem cuiuslibet criminis; nec tamen aliquis sub spe misericordie Dei permaneat in peccatis, sed confidentia sperantis ita sine dubitatione petat poenitentiae portum, ut humilitas poenitentis fugiat desperationis lethale naufragium. Et sic Dei misericordiam diligat, ut ejus consideret cum timore justitiam. Totum sibi speret relaxari posse converso, nec dimittendum tamen aliquid existimet obdurato. Hoc tempore mutet iniquus vitam, et non invenerit poenam. Fugiat culpam, et accipiet veniam. In hoc enim tempore beneficium remissionis acquiritur, quando mutationem voluntatis, meriti quoque mutatio comitantur. Nunc omnis qui laborat et oneratus est, ad Deum vocantem reficiendus veniat: nunc super se lene (al.

* Ms., redire.)

A leve) jugum Salvatoris levemque sarcinam tollat; nunc ab eo discat quia mitis est et humilis corde, si animæ suæ requiem desiderat invenire; nunc aversus ad conversionem currat; nunc iniquus ab iniuste discedat, nunc errans ad viam veritatis redeat. Modo querat Domini misericordiam, qui non vult pati sine fine miseriam. Modo querat æternam vitam, qui non vult in æternum mori. Nunc præveniat in confessione faciem Dei, qui non vult sempiterna punitione damnari. Nunc enim fructuose poenitentia geritur, nunc remissio peccatorum poenitenti conceditur; nunc converso regni cœlorum possessio non negatur, in qua sine fine vivitur et sine fine gaudetur: ubi nec mors letantibus adimit vitam, nec mœror viventibus potest auferre lætitiam. In quali enim fide et opere unum quemque hominum vitæ hujus invenerit finis, talis ei retributio dabitur, cuius non erit finis. Quia sicut omnis qui ante finem vitæ præsentis conversus non fuerit, et in malis suis finierit, ultra requiem non habebit: sic omnis qui in hoc tempore divinis præceptis obediens, a malis suis conversus fuerit, si in fide recta et bona vita intra Ecclesiam catholicam perseveraverit usque in finem, hic salvus erit. Amen.

S. FULGENTII

DE INCARNATIONE FILII DEI

ET VILIJ ANIMALIJ AUCTORE,

AD SCARILAM, LIBER UNUS.

406 1. Lectis litteris quas misisti, fili carissime Scarila, gavvisus sum in Domino, et exultavit anima mea in Deo salutari meo, quia induit vos studium salutis, et cordi vestro desiderium justitiae clementer infudit, quo veram fidem cognoscere cupiatis. Per hanc enim vitæ largitas ad homines venit, quod per prophetam Deus ipse testatus est dicens: *Justus autem ex fide virit* (Rom. 1, 17); fides autem illa vera appellanda est, quæ est vera, non ficta, quam sanctus commendat Apostolus dicens: *Finis autem præcepti est caritas de corde puro, et conscientia bona, et fide non ficta* (1 Tim. 1, 5). Nam quia idem beatus Paulus gratia nos dicit salvos factos esse per fidem, quam non ex nobis, sed Dei asserit donum (Ephes. 11, 8), utique vera salus non erit ubi vera fides non fuerit; quæ cum divinitus infunditur, procul dubio gratuita largitate donatur; et ubi per veram fidem veritas fuerit credulitatis, veritas utique comitabitur et salutis: quisquis autem a vera fide deviaverit, veræ salutis gratiam non habebit. Proinde torpere non debet fidelis animus ad querendum si quid in sacramento fidei sibi cernit ambiguum: maxime in mysterio dominice incarnationis, per quam justitia impialis, vita mortuis, salus infirmis, et veræ libertatis est gratia donata captivis.

* Emendamus ex ipsa epistola quæ habetur supra tñ: legehatur enim non dixit, sed male.

2. Scripsisti ergo, ut tuis utar verbis, quod dum ad mensam Christiani Ecclesiæ catholicæ filii mei Eventi de Dei incarnatione locutio nasceretur, unus ex vobis hoc de ipsa incarnatione asservuit quoniam non Deus Pater carnem induit, sed solum Dei Filius. Et alius dixit: *Ipse Deus, qui unus est in tribus, dignatus est carnem* **407** *assumere, ut nostram servitutem qua per transgressionem patri nostri Adæ obligati detinebamur, ad libertatem perduceret.* Deinde dicis vos scire cupere si ipse Deus Pater descenderit et carnem assumperit, an ipso residente, Verbo mandaverit quod carnem assumperit. Dicis nos etiam scire quoniam Verbum caro factum est, ut ipse habitaret in nobis. Ubi etiam hæc verba subvertis dicens: *Sed inter Verbum, quod Deus est, et Patrem, qui Deus est, una utrorumque descenderit ad induendam carnem majestas, quia legitimus, inquis: « Hic Deus noster, et non æstimabitur alius absque illo: post hæc in terra visus est, et cum hominibus conversatus est* (Baruch III, 36). Adhuc addis et dicis, quod cum istud testimonium in medium proficeret, hoc ille econtraria locutus est: *De Filio hoc dixit* * *, non de Patre: et tu ei ad præsens locutus es, ut quod simul pariter ignoratis ad nos recursum faceretis.* Huic interrogationi quam prima pars continet tuarum litterarum reddenda nunc est a nobis,